

ব্যাপিকা-বিদায়

(প্রমোদ-প্রহসন—Farcical Comedy)

শ্রীঅমৃতলাল বসু প্রণীত ।

প্রথম অভিনয় রজনী—

মিনার্ভা থিয়েটার

২৫শে আষাঢ় শনিবার, ১৩৩৩ সাল ।

(সর্বস্বত্ব সংরক্ষিত Author's copyright edition.)

গুরুদাস চট্টোপাধ্যায় এণ্ড সন্স

২০৩।১।১, কর্ণওয়ালিস্ ষ্ট্রীট, কলিকাতা ।

[মূল্য ৫০ বাবো আনা]

প্রকাশক—

শ্রীহরিন্দাস চট্টোপাধ্যায়

গুরুদাস চট্টোপাধ্যায় এণ্ড সন্স

২০৩।১।১, কর্ণওয়ালিস্ স্ট্রীট, কলিকাতা।

গুরুদাস চট্টোপাধ্যায়

(১৮-মাসিক পত্র
২০/২৪ মাসিক পত্র
গুরুদাস চট্টোপাধ্যায়
প্রকাশক কলিকাতা)

কলিকাতা,

১৪নং রামচন্দ্র মৈত্র লেনস্থিত

বেদান্ত প্রেস হইতে

শ্রীশ্যামসুন্দর ভট্টাচার্য্য দ্বারা মুদ্রিত।



শ্রী অমৃতলাল বসু—১৩৩২

চিরপূজ্য বর্তমানবঙ্গের বিদগ্ধপুরুষ ও বঙ্গীয়

নাট্যকলার প্রথম প্রতিপোষকাগ্রগণ্য,

মহারাজা স্যার

যতীন্দ্র মোহন ঠাকুর বাহাদুরের

রাজেন্দ্র সম্মান সহ শিষ্টাচার মিষ্টপ্রকৃতি

প্রভৃতি বহুগুণের উত্তরাধিকারী

মহারাজা স্যার

অদ্যোৎ কুমার ঠাকুর বাহাদুরের

অমায়িক স্নেহপ্রীতি স্মরণে

তাঁহার গৌরবান্বিত নামে

এই ক্ষুদ্র দৃশ্যলীলাখানি,

উৎসর্গ করিয়া

আপনাকে

কৃতার্থ জ্ঞান করিলাম ।

নাট্যকার ।

পাত্র-পাত্রী ।

মিষ্টার পুষ্পবরণ রায় ।

„ জটিলেশ্বর ভাট্টা ।

শ্রীযুত সঞ্জীব চৌধুরী ।

শ্রীযনশ্যাম সিক্দার ।

শ্রীধর ঠাকুর ।

ব্রজ বাবুর্চি ।

বেহারা ।

মিসেস্ মিনি রায় ।

„ লীলা লাহিড়ী ।

„ পাকুড়ানী ।

চমৎকার ।

বি ।

ব্যাপিকা-বিন্যাস ।

প্রবেশক ।

কলিকাতা ।

(মিঃ রায়ের বাটার বৃক্ষলতাদিবেষ্টিত ভূগভূমি-
সম্মুখীন পশ্চাত্তাগে উপরে উঠিবার সিঁড়ির অলিন্দ ।
দোতলায় বারাণ্ডা ; নীচে অলিন্দের উপর ঠেস-
ওয়াল বেঞ্চ, হ্যাট-ষ্ট্যাণ্ড, ষ্টিক্-র্যাক্, ফুলের টব্-
প্রভৃতি । দৃশ্য অপসরণে উপরের বারাণ্ডায় মিঃ
রায় ও মিনি রায় দৃষ্ট ; রায়ের বাহু মিনির কটিতে
বেষ্টিত ; মিনি একটি বটনহোল্ রায়ের ভেঁটে
পরাইয়া দিতেছে ।)

মিঃ রায় । এইবার যাই ?

মিনি । 'আসি' কথাটা-ও কি পৌত্তলিকতা ?

রায় । আমি কি প্রতিমা-পূজার নিন্দা করি ?

মিনি । তবে ?

রায় । আসি—আসি—আসি !

মিনি । পুরস্কার—এই—এই হাসি ।

রায় । আর কিছু না ?

মিনি । (মুখ ফিরাইয়া) কতবার ? ষাও !

রায় । এইতো তুমি ষাও ব'লে ।

মিনি । ও কি 'ষাও'-এর 'ষাও' ।

রায় । তবে ?

মিনি । অর্থহীন ।

রায় । (সিঁড়ির কয়েক ধাপ নামিয়া) আজ তো তোমার মা আসবেন ?

মিনি । ঠিক নেই ; 'তার' পাইনি কিছু ।

রায় । গান টান গেয়ে খানিক...শীগ্গির ফিরো ; আজ তো ছুটা ;... (নামিতে নামিতে) তবে...একটা বড় অভাব—(নীচে নামিয়া মিনির প্রতি দৃষ্টি) ।

মিনি । (লঘু-চরণে নীচে নামিতে নামিতে আনন্দে গীত)

ওগো তাড়াতাড়ি পা যে বাড়ালে.

পা যে বাড়ালে !

তবে যেতে যেতে কেন দাঁড়ালে,

কেন দাঁড়ালে ?

বল বল পষ্ট,

হয় কি গো কষ্ট,

মোড় ফিরে গলিটুকু ছাড়ালে,

গলিটুকু ছাড়ালে ;—

ব্যাপিকা-বিদায়

গলিটুকু ছাড়ালে,

গলিটুকু ছাড়ালে,

গেলে নয়নের আড়ালে ।

মন চুপি চুপি,

বলে 'রুপি' 'রুপি',

সো সুইট্ কিস্

সচ্ এ্যজ্ দিস্ (বাতাসে চুম্বন ভঙ্গি ;

বায়ের অগ্রসর হওয়ার উপক্রমে মিনি পশ্চাতে সরিয়া)

ঈস্—ঈস্—ঈস্ !

ফানিস্ ফিনিস্ ;—

মনে নাস্তি নাস্তি রাস্তা মাড়ালে,

অই রাস্তা মাড়ালে ।

রায় । (সুরে) If he had time,

One could rhyme,

ভুমি তাড়ালে—তাড়ালে—তাড়ালে ।

(গমনোদ্যত)

(মিনির মুখশব্দে হাঁচির অভিনয়)

রায় । এই...বাধা দিলে ?

মিনি । সাহেব ! হাঁচি-টুকটুকি মানো নাকি ?

রায় । আগে মানতেম্ না, এখন মানি ।

মিনি । বটে ! ক্রমে বাবুর্চিকে জবাব দেবে দেখছি ।

রায় । না । আগে কোন লোকমানের ভয় ছিল না, এ প্রাণের-ও কোন মূল্য ছিল না ; এখন একটা গোলাপকে স্নেহ-জলে চিরপ্রফুল্ল রাখার ভার এই প্রাণের উপর ।

মিনি । (সহাস্তে করতালি দিয়া) ওহো, পইট্টি ! পইট্টি ! কবিতা ! সাবধান, যেন 'নোবল্-প্রাইজ' পেয়ে ব'সো না ।

রায় । (মিনিকে আলিঙ্গন করিয়া বেঞ্চে বসাইয়া) আমি NOBLER প্রাইজ পেয়েছি মিনি ! মিনি মিনি মিনি, মাই নোবল্...নোবল্... নোবলার্—

মিনি । Cobble...Cobble...Cobbler.

রায় । Warbler !

মিনি । কি টম্ব্লার—

রায় । অফ্ স্ম্যাম্পেন্ ! মাতাল ক'রেছ মিনি, মধুর স্ম্যাম্পেনে ।

মিনি । Naughty ! এখন এস ; আমার কবিতা ক'লে চ'লবে না, কিঞ্চিং গঢ় অধ্যয়ন ক'র্ত্তে হবে ।

রায় । যথা— ?

মিনি । শ্রীধর ঠাকুরের সঙ্গে মংস্য-পুরাণ আর ব্রজ বাবুর্চির কাছে প্রাণীবৃত্তান্ত আদি পাঠ, তা ছাড়া...ভাল কথা, লীলা যে আমায় ডাক্তরে আসবে ।

রায় । মিসেস্ লাহিড়ী ? কি—কি—

মিনি । ভয় কিসের, সে কি আমায় ইলোপ্ ক'র্বে নাকি ? শপিং—
শপিং ।

রায় । সে তো তোমাদের পোইট্টি ; কি কিন্তে হবে ?

মিনি । ব'লবো কেন ?

রায় । গোপন ? আচ্ছা, আমি-ও কখনো কিছু গোপন ক'ল্পে কোপন-
ভাব প্রকাশ ক'র না ।

মিনি । গোপন গোপন গোপন, কলহের বীজ রোপণ ।

রায় । কলহ ! Really—একদিন একটু ঝগড়া কর না, কেমন
নাগে দেখি ; প্রায় এক বছর হ'লো, এমনি কপাল যে একদিন-ও একটু
ঝগড়া শুন্তে পেলেম না ।

মিনি । আচ্ছা খানিক ঘুরে এস, আমি ততক্ষণ একটা ঝগড়ার প্রবন্ধ
লিখে রাখি ।

(মিনির সোপান আরোহণ ;—মিঃ রায়ের টুপি ছাতা লইয়া
প্রস্থান ; দৃশ্য শেষ ।)

পূর্ব-চিত্র ।

(অভ্যর্থনা-গৃহ । মধ্যস্থলে বাম-দক্ষিণ-ব্যাপ্ত কাষ্ঠ-আবরক দ্বারা বিভক্ত ; বিভাজক প্রাকার, মস্তন উজ্জ্বল কারুকর্মায়ুক্ত, দুইধারে সঙ্কীর্ণ ও মধ্যে প্রসর যুক্তপথ ; অবকাশস্থল সুদৃশ্য পটাচ্ছাদিত । সম্মুখ ও পশ্চাতের গৃহ বিবিধ বিচিত্র আসনাদিতে সুসজ্জিত । সম্মুখে এক কোণে একটী পিয়ানো, অন্যকোণে মহিলাব্যবহারোপযোগী লিখিবার টেবিল ও চেয়ার ; পশ্চাদ্গৃহের দিকে চাহিলে ভদ্রলোকের প্রয়োজনীয় লিখনাদি কার্যের সরঞ্জাম ও পুস্তকাখার প্রভৃতি দৃষ্ট হয় ।)

গৃহস্থত্রীর প্রিয় সেবিকা “চমৎকার” টেবিল ত্রিপদ আদিতে বসিত
“এটা-ওটা” স্মৃতিস্তম্ভ ও পরিষ্কৃত করিতে করিতে আপন
মনে গাহিতেছে ;—

চমৎ ।

গীত ।

ভুলোনা চোখের জলে,

বুক ফাটা দীর্ঘশ্বাসে ।

রূপের মোহে চোখের নেশা,

দু’টী দিন ভালবাসে ॥

প'রিয়ে শিকল বিকল করে,
 শেষ বাকি জীবন অঁখি করে,
 দেখ্‌লুম্ কত গুন্‌লুম্ কত ফুল শুখুলো সুখ আশে ॥
 (তাল্ ফের্তা) শারদ পূজার পবিত্র পবন,
 আমার কিশোর কুমারী জীবন,
 শেফালী ফোটার, সৌরভ ছোটায়,
 শশীর ঘটায় গগন হাসে ।
 মন্দ মন্দ ধূপ গন্ধ নন্দিত পবনে ভাসে ॥

কেউ কোথা-ও নেই, খাই খাটি শুই, খাট পানও কি ভুই ; নেই মান
 অপমান, সব-ই সমান সব-ই সমান । পেটটি আছে ছোট-খাট, হ'লেই
 হোল—হু' এক মুঠো ; গতরে নইকো টুটো, গ'লে প'ড়িনি ভাঙতে কুটো ।
 আবার মিলেচে যে মনিব ঠাকুরশ, তাঁর শরীরে অনেক গুণ—

(মিনি পশ্চাৎ হইতে প্রবেশান্তর চমৎকারের পক্ষে জঘ
 মৃগ্যাঘাত করিয়া)

মিনি । ক'বুতে পারেন মেয়ে খুন, পানে থেকে খ'ন্নে চূণ ।

চমৎ । (সচকিতে) কে গো !—ও—ও তা বৈ কি, আমার মা না !

মিনি । মা কি মেয়েকে মারে না ?

চমৎ । সে যে মিষ্টি, ভারি মিষ্টি ;—আমার একটু একটু মনে পড়ে ।

মিনি । চোখের সামনে দাঁড়িয়ে রইচি, আমার বলে মনে পড়ে,
 কেন আমি কি মরিচি নাকি ?

চমৎ । প্লিজ্ মা—প্লিজ্ মা, ও কথা মুখে এনো না, আমি কেঁদে ফেলবো ; আমার পল্‌সাটিলার ধাত্ ।

মিনি । কিসের ধাত্ ?

চমৎ । পল্‌সাটিলার, গাঙ্গুলী নেম্ হোমিওপ্যাথী করেন কিনা ; আমি কারুর কিছু হ'লে একটুতে কেঁদে ফেলতুম্ তাই আমার অই পল্‌সাটিলার ধাত্ ব'লতেন ।

মিনি । মিসেস্ গ্যাঙ্গুলী ডাক্তারি-ও জানেন ?

চমৎ । আমি-ও ব'লে দিলে ওষুধ বেছে দিতে পারতুম্ । আমায় ইংরিজি ব'লতে, ছুঁচের কাজ ক'রতে, গান গাইতে, সব-ই শিখিয়েছিলেন । খুব ভাল মা, খুব ভাল ; অনেকটা আপনার মত ।

মিনি । না, পরমেশ্বর রক্ষা করুন ! আমায় যেন তাঁর মত না হ'তে হয় ।

চমৎ । ও—সে...তা শুনেছি মা, তাতে মেম সাহেবের বেশী দোষ ছিল না ; মেমের মা বাড়ীতে ঢোকবার পর থেকে-ই নাকি সাহেবের সঙ্গে খুঁটিনাটি ক্রমে বাগ্‌ড়া-বাঁটা আরম্ভ হয় ; শেষ সাহেব জ্বালাতন হ'য়ে রেজুনে প্র্যাক্টিস্ ক'রতে যান ; সেখান থেকে মাসে তিন শ'টাকা খরচা পাঠান, চিটা-চিটা পর্যন্ত লেখা বন্ধ ; তিনশোতে কি ওঁর চলে, তাই গান সেখান । ওঁর মা শুনে'ছ ভারি দর্—দর্—

মিনি । কি ব'লবে বল না ।

চমৎ । দর্জালকে কি ইংরিজীতে Shrew বলে মা ?

মিনি । আমি ও কথার বাংলা ইংরিজী কিছু-ই শিখিনি । সব মা-ই কি দুষ্ট হয় ? এই আমার মা আসছেন, দেখো কেমন মার মতন মা । তিনি আসবেন শুনে অব্ধি তোমাদের সাহেবের যে আহ্লাদ ! ওঁকে যে মা বড্ড ভালবাসেন । আমি কখনো মা'র কাছে বেশী থাকতে পাইনি ;

লোরেটো থেকে যে ক'দিনের তরে বাড়ী আসতুম্, মা কাছ ছাড়া ক'বুতেন না, তবু বাবা তেমন কিছু রেখে যেতে পারেন নি ব'লে, ...তুমি নীচে একটু অপেক্ষা কর তো চনি, মিসেস্ লাহিড়ীর আসার কথা আছে ।

(চমৎকারের প্রশ্নান)

মিনি । (বাস্তবজ্ঞের নিকট বসিয়া আপন মনে কিঞ্চিৎ কাল বাদন)

শ্রীধর ঠাকুরের প্রবেশ ।

শ্রীধর । ন্যাম্ সাহেব-অ সাঁঝকু কি রন্ধনা করিমু ?

মিনি । কি আছে তোমার ?

শ্রীধর । লক্ষী-ন্যাম্ আছ আপনি, আপন ঘরকু অভাব কি ? পোহোড় মাছ অছি, ডিম্ব ফাটি পডুচি ; সকালে কু ভেটকি রন্ধনা করুচি ; বেশ ভাগুর কঁটা খণ্ড রহুচি, কপি অছি—মটরশুঁটী রহুচি,—আর—

মিনি । তা হ'লে ঐ পাবুসে ফ্রাই করগে', ফ্রাই বোঝ তো ?

শ্রীধর । বুঝনা ? সাত বৎসর-অ মেদিনপুর ব্যারিষ্ট ডে সাহেবো ঘর কান করুখিলি,—শ্রীধরঠকুর ফ্রাইয়ে বুঝনা ! কাল-ক রোই মাছ নি কিরি আসব, বেণীঘর ভেদি কিরি কিমিতি ফ্রাইয়ো ভজিব—আপনি দাখব মা ।

মিনি । আচ্ছা তাই ক'রো, আর সোণা মুগের ডাল রাধবে—

শ্রীধর । পিয়াজ দেই কিরি ?

মিনি । হ্যাঁ ; খয়রা মাছ থাকে তো একটু অদল রেঁধো । আর সাহেবের জন্তে ভাল ক'রে চ'চার খানা পরেটা ভেজো । বাবুর্চিকে একবার এখানে পাঠিয়ে দিও ।

(শ্রীধরের প্রশ্নান)

মা এলে আর এ সব ঝগড়াটো আনাকে ভুগতে হবে না । মা'র হাতের পরেটা খেলে—

(ব্রজ বাবুর্চির প্রবেশ)

ব্রজ । ডিনারের হুকুম ছাবেন নাকি ম্যাম্ সাব ?

মিনি । টমেটো আছে ?

ব্রজ । আচ্ছা খুইচি না ?—টমেটো—লহুন—পুদিনা—ছানাদ—শাল
গেরাম্ বা বানাতে কইবেন, বেনিয়ে দিমু ।

মিনি । তা হ'লে কালকের যা মেনু ছিল আজ-ও তাই থাকবে ।
খালি টার্নিপ আর টম্যাটো দিয়ে খানিকটা বেকন্ তৈরী ক'রো । কাল
ডিনার ক'রতে ক'রতে সাহেব বেকনের কথা বলছিলেন ।

ব্রজ । পুডিন্টা কিসের হব ?

মিনি । পুডিং—পুডিং—আজ পুডিং থাক ; মিসেস বোস খুব ভাল
ফসগোল্লা আর দই পাঠিয়েছেন, তাই ডিনারের সঙ্গে দিও । ওঃ...
কমলা আছে ?

ব্রজ । শ্রীধর ঠাছর নিয়ে আসচে জানি ।

(ব্রজের প্রস্থান)

মিনি । আচ্ছা যাও ।

মা এলে ক্ষীর-কমলা করাটা শিখে নোবো । কখন আসবে গো—
কখন আসবে গো—Oh my ! বড্ড ভুলে গেছি তো । বাবুর্চি বাবুর্চি !

(ব্রজের পুনঃ প্রবেশ)

ব্রজ । মোরে ডাহেন ?

মিনি । হ্যা—ভুলে গেছলুম আজ একটা বাইরের সাহেব আমাদের
সঙ্গে ডিনার খাবেন, মুরগী-রোষ্ট ছাড়া অগ্র কিছু দু'নো নাইড্‌ডিস্ ক'রো ।
পুডিং-ও চাই,...ভাবুমিসিলী আছে ?

ব্রহ্ম । অইবার পারে ; বাহুরী মাব এসেন তো ওলসরাবর তাজা
বেনি:য়ে দিতে অইব, প্যাগের সাথে চাবাইবেন ।

মিনি । ওঃ ওয়েলস্ র্যাবিট্, আচ্ছা ; আর ঠাকুরকে-ও একবার
আসতে ব'লো ।

(ব্রজের প্রশ্নান, শ্রীধরের প্রবেশ ।)

শ্রীধর । আসছি মা ।

মিনি । ও ঠাকুর, মা আসছেন শুনেছ ?

শ্রীধর । হান্নর মা জননী—সুভদ্রা মাতা, আপুনি সমুখে অছ ।

মিনি । না না, আমার মা ।

শ্রীধর । আপুনি মা সাক্ষাৎ লক্ষী অছ, পরন্তু মা, ...লক্ষীর মা—
সমুন্দর—হান্নর—কুস্তীর—তুফান—তরঙ্গ ।

মিনি । না না শ্রীধর, আমার মা বড় ঠাণ্ডা । আমি এখন-ও কোন
'তার' পাইনি, আজ-ও পৌঁছুতে পারেন কাল-ও আসতে পারেন ; এলে—
চৌধুরী মশায়ের খাবারের সঙ্গে তাঁর যা হবার তা হবে—

শ্রীধর । আপন মা বিধবা পরা ?

মিনি । হ্যা, তবে...তাঁর...বুকের অস্থখের জন্তে ডাক্তারে একটু
আধটু মাছ কি মাংসের স্ক্রুয়া—

শ্রীধর । বুঝল মা বুঝল,—মু বুঝল ।

মিনি । ব'লতে ভুলেছিলুম, আজ একজন বাইরের সাহেব খাবেন,
পরেটা দরকার নেই, চারটা পোলাও ক'রো, কিছু ফল-টল বেশী ক'রে
আনিয়ে রেখো ।

শ্রীধর । হঃ !

(প্রশ্নান)

মিনি । আজ-ই যদি মা এসে পড়েন, ভাল-ই হবে ; ডিনার টিনার টা

আছে, আর তা হ'লে আমি একেবারে ফুলটির মত হালকা হ'য়ে --(সুরে)
 হুঁ—উ—উ—উ—

(আমি) প্রভাতের প্রজাপতি সেজে রাঙা সাজে,
 প্রফুল্ল প্রেমের পাখা আঁকা মন মাঝে ;
 বেড়াবো বেশ উড়ে উড়ে,
 আলো ক'রে সোণার কুঁড়ে,
 তিনি এলে, ধিনি ধিনি ধিনি যেন নেচে নেচে—
 না—না—যাবে বুঝি মিনি নিজে যেচে যেচে ;
 সে এসে কাটিতি কটিটি বেড়িয়ে নিতে এলে—
 এঁ্যা—তা বৈকি, আমি মুখ ফিরায়ে নেবো লাজে ।

(চমৎকারের অস্ত্র প্রবেশ)

চমৎ । মা-মা ওমা : পালান,—পালান, ওপরে যান—আমি—
 আমি—আমি কোথা হাই—

মিনি । চমি ! Not that ; What is it ?

চমৎ । টি টিজ্ টি টিজ্—রাফস নাম্—ডে--ডে--ডেভিল—

(মস্তকে অতি উচ্চ হ্যাট, জালুনিযুক্ত কোট, বালুনালে প্যাণ্টে

সজ্জিত ঘনেশ্বরের প্রবেশ)

ঘনে । মাম্ মাম্—

চমৎ । ঐ এয়েচে এয়েচে—এন্ন এন্ন !

মিনি । Who it is ? ডারোয়ান, ডারোয়ান,—

ঘনে । নট্ ইউ টি-টিস্তু —

চমৎ । (সভয়ে) মা---মাগো—(কম্পিত কলেবরে উর্ধ্বনেত্রে প্রাচীর
গাত্রে ঢলিয়া পড়িল)

ঘনে । (শব্দবাস্তে নিকটে গিয়া) বাইজোভ্ ! হিঃ—হিঃহিঃহিঃ—
এ্যা—এ্যাক ঘটা জল—

চমৎ । না না প্লীজ্ ; সাম্‌লিচি—সাম্‌লিচি ।

ঘনে । ন-নট্ ইউ চি—চিস্তে—পারুছ্ মামা ? আই ইউ ঘ—
ঘনেশ্চাম সিকদার ; ইউর লেডিসিপ মেটারন্যাল নেফু, ভা—ভাগ্‌নে ।
মামা স্মার্ gonod where ?

মিনি । ঘনেশ্চাম ! তুমি এতদিন পরে কোথেকে এলে ?

ঘনে । পচ্চিম্ গেছলাম্ ; পুরী—

মিনি । (ঈষৎ হাসিয়া) পুরী পশ্চিম নাকি ?

ঘনে । ইয়েস্—মুইসাইড্ হোটেলে ছিলুম্ ।

মিনি । সি-সাইড্ হোটেলে ছিলে ব'লে এই অপকৃপ পোষাক
প'রেছ নাকি ? নইলে আগে তো তুমি বাংলা কাপড় প'রতে । চমি
তোমার দেখে ভয় পেয়েছিল বহু ; ও আগে তোমার দেখিনি—তার
উপর ঐ পোষাক ।

ঘনে । কেন, মামা-ও তো—মা-মা-মা---

চমৎ । মাহেবী পোষাকে বাহিরে বান ? তা তাঁর—আমার বাবার
কি ঐ মূর্তি ! তিনি ভেটল্‌ম্যান্ ।

ঘনে । আর—আমি কি লেডী ? ওই চেহারা আগে...সাইক
কাতিক ! পোড়ে—

মিনি । ছেলেবেলায় একটা কি আঘাত পেয়েছিলে না ?

ঘনে । আট বছর বয়েসে জা-জা-জাম্ ক-ক-ক—

চমৎ । কল্ ; জাম্‌কল পাছ থেকে প'ড়ে গিয়েছিলেন ?

ঘনে । ঠিক বাঁলেচ ; মামি, ত্রী—ত্রীলোকটী খুব খুব—বু-বু-বু—

চমৎ । ধিমতী : কেমন ?

ঘনে । ঠিক ঠাউরেছ । (উচ্চহাস) হাঃ—হাঃ—হাঃ !

চমৎ । (চমকিত) ও বাবা !

ঘনে । ভেরি গুড্ বয় ।

চমৎ । অত উঁচু গাছ থেকে প'ড়ে বেঁচে গেলেন ?

ঘনে । মূল্যবান জীবন ; ভারত সন্তান । রক্ত প'ড়লো না—
কিন্তু বাঙালী মাথা বিগ্ড়ে মি-মিলিটারী—হ'য়ে গেল ।

মিনি । মিলিটারী মাথা হ'লো !

ঘনে । ধনুষ্টকার—হ—হ'লো কিনা ; ও-ওটা মি-মিলিটারী—
ডি-ডি—

চমৎ । ডিজীজ্ !

ঘনে । ন্যাচার্যাল্ । কথা কইতে কখন কখন ফে—ফ্রেক উচ্চারণ
হয়, আর একটু—বা-বাধে তা—

মিনি । তোমার মামা বলেন ঘনেশ্বাম আবার লেকচার দেয় ।

ঘনে । (সহাস্ত্রে) ফরোয়ার্ড—প'ড়েচেন বুঝি ? পো—পোত্রিকা
— সব ছাপেনা ঠাট্টা করে ; যন্তরে কিনা ন'দেকে হিংসে করে ।—আমি
ব'লতে উঠলে আর কা—কা—কা—

চমৎ । কাউকে ব'লতে দেন না ।

ঘনে । ইনি কে মামী,—হু ইজ ইট ?

মিনি । চমৎকার—আমার মেড্ ; একটু লেখাপড়া জানে, আমার
মেয়ের মতন ।

চমৎ । মাইনে নিয়ে চাকরী করি তবু আশায় মায়ের মতন
স্নেহ করেন ।

ঘনে । মামী আমার কত বড় জেণ্টেলম্যান ! আর তোমাঘ
কে না স্নেহ ক'র্বে : মামী, হি ইজ্ দিদি ? না আমি ইজ্
দাদা ?

মিনি । লেখে বুঝতে পার্চো না, তোমার চেয়ে কত ছোট ?

ঘনে । আমার চেয়ে-ও ছোটকে কউ আছে ?

মিনি । ঘনেশ্যাম, তুমি বড় ভাল ।

ঘনে । ঐ তুমি বল মামী ; আর সনাই বোকা বলে । সে...
সে ..সেক্রেটারী খালি...খাটিয়ে নেয় । কতদিন মিউনিসিপেলে...
চাকরি ক'রে দেবে ব'ল্চে তা ধা-খালি হ'লে-ই বলে এ্যাখনো
...নোয়াখালির নোক বাকি আছে...ন'দের টব্ন্ এলে তোমার হবে ।
মামা ক-কখন Come back ——return house ?

মিনি । এখুনি আস্তে পারেন, খানিক দেবী-ও হ'তে পারে ।

ঘনে । কাম্-রাউণ্ড ? ঘুরে আসবো ?

মিনি । তা এসো । একটু কিছু খেয়ে যাবে না ?

ঘনে । এসে ডি—ডি—ডি—

চমৎ । ডিনার ক'র্বেন্ ব'ল্চেন্ বুঝি ?

ঘনে । হাঁ, ...খ্যাক্ মিস্ চ—চ—চ—

চমৎ । মংকার ।

(নেপথ্যে দরোয়ান কর্ণোজারিত "ঠাহার ঘাইয়ে বড়া মেম্ দান"
"ঠাহার ঘাইয়ে, হাম খবর দে" ও মিসেস্ পাকড়াণীর "হ-অট্ যাও,
২-অট্ যাও" বলিতে বলিতে প্রবেশ)

মিনি । (সাহ্লাদে) Oh ! Oh ! Mammy ! Mammy
Dear ! । (মিসেস্ পাকড়াণীকে বাহবেষ্টনে আলিঙ্গন । ঘনেশ্যাম
ও চমৎকারের পশ্চাৎদিকে অপসরণ)

মিসেস পাক্। My pet! My pet! Won't you kiss me, my Bardie?

মিনি। ও! (নাতু মুখচুষন) ওয়ান, টু, থ্রী, ফোর...more ম্যামী more? আমি তোমার সেই...মিন্...মিন্...মিনি। এস মা বসি।

(উভয়ের সোফায় উপবেশন মিসেস পাক্‌ডাশীর হস্তস্থ পাখা ব্যঙ্গন)

ঘনে। (পশ্চাতে জনাস্তিকে) মা—মা; কার মা?

চমৎ। (ঐ) আপনার মামীর। ঠিক যেন তাসের ছবি, মুণ্ডু আর চৌকো একটা খোল পরা গা।

ঘনে। কয়লার বস্তা।

চমৎ। চূপ্।

পাক্। What a horrid house this yours মিনি? শুয়ানক বাড়ী ভয়ানক গেটের পাশে-ই ছুঁধারে যত জঞ্জাল—

মিনি। ও যে সব—টিউব—তার—প্রেট, তাঁর কাজের জিনিস; ভুলোনা মা তিনি ইলেক্ট্রিক্ ইঞ্জিনিয়ার।

পাক্। (শ্লেষব্যঞ্জকভাবে) ই-ন্-জি-নি-য়ার! As if I... ইঞ্জিনিয়ার; মিঃ মিটার ছিলেন খুব বড় ইঞ্জিনিয়ার; Twelve hundred...বারোশ' টাকা মাস...কেমন পরিষ্কার পরিচ্ছন্ন। বোধ করি তোমার বিছানা-ঘরে-ও দু'চারটা পোষ্ট আছে। আমি এখুনি সব টাইডি করবো, or I shall know...আর চাকররা একদম... কতকগুলো কোড়ি নিয়ে, ঐ নিনগাছের নীচে ব'সে...

মিনি। তা মা, কাজ বর্ম দেবে গরীব ওরা একটু খেলা টেলা ক'বে না?

পাক্। গরীব! How I hate! কি ঘেন্নার কথা ঐ গরীব!

গরীবের আবার খেলার সখ ! চাকর—ভৃত্য—দাস—Servant,
খেলবে, মনিবের বাড়ী ব'সে ?

মিনি । একটু জিরোবে তো !

পাক্ । জিরোবে, আরাম ক'রবে জেটল্যান,—যদি বাড়ীর
লেডি তাঁকে অনুমতি দেন । চাকর তো কাজের বল ; কাজ ক'রবার
জন্য-ই তার হাত পা তৈরী হ'য়েছে, তার কখনো মন ব'লে একটা বস্তু
থাকতে পারে না

ঘনে । (পশ্চাতে জনাঙ্কিকে) মাতাল নাকি ?

চমৎ । (ঐ) চুপ্ ।

ঘনে । গরীবের ওপর কি দরদ দেখ না ।

চমৎ । আপনার কি গরীবের ওপর দয়া হয় নাকি ?

ঘনে । হয় না ! আমি নিজে গরীব ।

চমৎ । দেখছি আপনার মুখের সঙ্গে মন মেলে না ।

ঘনে । মনে তো আর ধনুষ্টকার হয় নি ।

চমৎ । সত্যি ; দেখছি আপনার মন মুখ বেকায় নি ।

পাক্ । পুষ্পবরণ কোথা ?

মিনি । আফিসে ।

পাক্ । আফিসে ? আজ না Sunnay ?

মিনি । হুহো, ভুলে ব'লেছি মা, আজ তো র'ব্বার-ই বটে । কোথা
একটা কনট্রাক্টের অর্ডার আছে, সেইখানে গেছেন । তুমি আসছ শুনে
তাঁর যে আহ্লাদ মা !

পাক্ । তুমি বুঝিয়ে দিয়েছ আমি ভারি Independence,
স্বাধীনতার ষ্ট্যাচু—প্রশ্নের মূর্তি ? কেবল তাকে Oblige ক'র্তে-ই আমি

এসেছি । নইলে I could have married — একশ' জনকে
বিবাহ ক'রতে পারতুম ।

মিনি । তোমার পারে গড়ি মা, ও-কথাগুলো জামাইয়ের
নাক্ষাতে ব'লো না ।

পাক্ । আ মিনি ! আ মিনি ! লোরেটোর টাকা লুটিয়ে নিলুম
এইজন্তে ! ম্যামিকে ইং-মেন-রা এখন-ও Charming মনে
করে এ কথা ঘণার ? ঐ পুরোণো জামাই কথা মুখে Pronoun ! শোন
বালিকা, কাপড় টাপড় বাঙলা পরে ক্ষতি নাই, কিন্তু প্রকৃত দেশের
মজল যদি ক'রতে চাও, তবে mortality, কিনা মন একেবারে খাটি
ইংরাজি রাখবে ; তা না হ'লে তিরিশ পঁয়ত্রিশ টাকায় সস্তা হ'য়ে
চিংড়ি চচ্চড়ি খেয়ে—বুঝেছ, দেশের সমাজের কিছু-ই ভাল ক'রতে
পারবে না ।

ঘনে । (জনান্তিকে) ডি — ডি — পি — আকুশীর ঠিক
এই মত ।

পাক্ । রাগারাগী হ'লে বাকুর চাবি নিজের কাছে রাখ তো ?

মিনি । রাগারাগী !

পাক্ । চ'ম্কে উঠলে যে ?

মিনি । তা — তা, রাগারাগী কার সঙ্গে হবে ?

পাক্ । যার সঙ্গে হওয়া ন্যাশানাল্ । আমি কি চাকর বাকরের
কথা ব'লছি ? সে ত' একটু দোষ পেলে-ই চাবুক লাগাবে ।

ঘনে । ও বা — বা ? হিদিমা দেখ্চি ঘোড় সোয়ার ।

চমৎ । আন্তে — আন্তে ।

পাক্ । যখন রাগ দেখাবে তখন পুষ্প ব'লে ডাকবে না ; মুখ
ভারি ক'রে ব'লবে — মিষ্টার রায় ।

মিনি। আমি রাগ-ও বলি না নাম-ও ধরি না।

পাক্। তবে কি প্রিয়তম, প্রাণনাথ, এই সব বল ?

মিনি। ওমা ছি ছি কি লজ্জা লজ্জা ! আমি ওগো টোগো বলি।

পাক্। নেটীভ্ ! নেটীভ্ ! একেবারে নেটীভ্ ! তাদের চেয়ে-ও খারাপ ; বাঙালী স্ত্রীরা তবু আজকাল “বাবু” বলে। লজ্জা শিখে আপনাকে তো নীচু ক’রেছে দেখতে পাচ্ছি ; কাম বাক্সের চাবি-ও তো রেগে-টেগে ফেলে দাও না ?

মিনি। রাগারাগি আমাদের ভেতর নেই। টাকা তিনি-ই রাখেন, চাবি তাঁর-ই কাছে থাকে ; আমি যখন যা চাই তিনি আমার হাতে দেন।

পাক্। (সরোষে উঠিয়া) মিসেস্ রায় ! একখানা গাড়ী আনিয়ে দিতে পারবে ?

মিনি। ও মা রাগ ক’রুছ কেন মা ?

পাক্। কে তোমার মা ? যে স্ত্রী স্বামীকে আপনার টাকা আপনার হাতে রাখতে দেয়, ক্যামের চাবি নিজের কাছে রাখে না, সে—সে—

চমৎ ! (আশ্চর্য) এমন ভয়ানক গর্ভে জন্মাল’ কেমন ক’রে তাই ভাব ছি !

ঘনে। (জনান্তিকে) মামীর গাঁয়ে হাত তুলবে নাকি ? তা— তাহ’লে আমি কিন্তু দাঁদিমাগিরী—

চমৎ ! (ঘনেশ্বামের হাত ধরিয়া) চূপ্ পাগল।

মিনি। এতে কি দোষ—

পাক্। দোষ ! ফিমেণ্ Emastication—স্ত্রী-স্বাধীনতার সর্বনাশ ক’রে আবার বলে কি দোষ ! চাবি ই হ’চ্ছে স্বাধীনতার ছবি ;

চাবির বিবরে-ই স্বাধীনতার বাস, যার হাতে চাবি তার হাতে-ই স্বাধীনতা।

ঘনে। (জনাস্তিকে) হ্যাঁগা তবে কি আমি পরাধীন ?

চমৎ। (ঐ) কেন ?

ঘনে। আমার ত' চাবি ফাবি কিছু-ই নেই।

চমৎ। সেই জন্তে তুমি সবার চেয়ে স্বাধীন, আমি-ও তাই।

পাক্। উঃ! এ সব শুনে আমার বৃকে Palpitation হ'চ্ছে! জান না মিনি, পুরুষরা কি Sale-fish! চেয়ারম্যান্গিরি, একজিকিউসনারী, সেক্রেটারী, Monsterএর কাজের রাইট সব আপনারা নিচ্ছে। কেন লেডিরা কি মন্টার হ'তে পারে না ?

ঘনে। (জনাস্তিকে) মন্টার মানে রাক্ষস—না ?

চমৎ। (ঐ) ওঁর ইচ্ছে মিনিটার বলেন।

ঘনে। (ঐ) আর মন্টার হন্।

পাক্। দেখ, স্বামী জিনিষটি অত সহজে হজম ক'বতে পারবে না; সর্বদা সন্দেহ ক'র্বে, আর পজিসন্ রাখতে চাও যদি, খালি অপোজিসন্—অপোজিসন্—অপোজিসন্ (পদচারণ)

চমৎ। কন্যার প্রতি মাতার উপদেশ।

ঘনে। কিংবা উপদেষতার আদেশ।

চমৎ। বাঃ!

ঘনে। আমি একটু রসিক, তোমায় এতক্ষণ বো—বোলিনি।

পাক্। মিনি!

মিনি। মা!

পাক্। স্বামীকে ইংরাজীতে কি বলে ?

মিনি। হাজ্‌ব্যাণ্ড।

পাক্ । আর চাষাকে ?

মিনি । Husbandman.

পাক্ । ঐ খানে-ই জ্যাখো ইংরেজের স্বাধীনতা ! চাষার নামে তবু একটা ম্যান্—কিনা মানুষ যোগ করা আছে, স্বামী, শুধু একটা Husband—মানুষ-ও নয় ; Bridegroom অর্থাৎ ক'নের সইস্ ; কি ভাষা ! কি ভাষা ! নিঃশ্বাসে নিঃশ্বাসে স্বাধীনতা !

ঘনে । (জনান্তিকে) দিদিমা পলিটিক্যাল !

মিনি । ও সব কথা তখন হবে মা, এখন এসো তোমার ঘর দেখিয়ে দিই, কাপড় বদলাবে ; আমি ভাল সাদী আনিয়ে রেখোঁচ ।

পাক্ । সাদী !

মিনি । হ্যাঁ মা ! ক'ল্কেতার এখন কোন বাঙালী লেডী ইংরিজী ড্রেস্ পরেন না ।

পাক্ । বটে ! ক'ল্কেতা রক্ষা ক'র্ত্তে হবে — ক'ল্কেতা রক্ষা ক'র্ত্তে হবে । আমাদের ও-অঞ্চল থেকে সব লোক এনে এদের রক্ষা ক'র্ত্তে হবে ।

মিনি । (চমৎকারের প্রতি) চমি, ঘনেশ্ব.মকে কিছু জল—

পাক্ । My ! My ! এরা কে ?

মিনি । এ আমার মেড্ ।

চমৎ । প্লীজ্ বড় ম্যাম্ , সেলাম ।

মিনি । চমির আমি মা, ও আনার মেয়ে ।

পাক্ । মেয়ে ! অমন ফুট্‌ফুটে ! এটা ভাল কাজ করে! নি মিনি,—ম্যারোড্-ম্যানের বাড়ী ! আর ও ভূতটী ছেলে নাকি—
পুতুর ?

ধনে । (অগ্রনর হইয়া) আচ্ছ—দিদিমা । (প্রণামের
জগ্না কিকিং নত হইয়া) নো মোর—দিদিমা, নো মে র,—গ্যালিস্
ভোর টাইট্, নো মোর্ হেঁট্ ; লেগ্ আপ্ ; গিভ্ পায়ের ধূলা ।

আমান । ঐ হ'য়েচে ঘরু, ঐ হ'য়েচে । এসো মা, এর পর চেনা
পরিচয় হবে ।

(মিনি ও মিসেস্ শাক্‌ডাশীর প্রশ্নান)

চমৎ । (আশ্চর্য চিত্তিতাবে) ব্যাড্—ব্যাড্—ব্যাড্ !

ধনে । কি ?

চমৎ । ভাল নয়! ভাল নয়! জমাট্ কালো মেঘ...ঝড় না তুলে হয় ।

ধনে । ভা—ভাব্‌চো—কি ?

চমৎ । ভাব্‌চি—; তুমি কিছু ভাবো না ?

ধনে । কার জন্তে ভা—ভাব্‌বো ? তবে মা—মামা—মা—

চমৎ । মামা মামীর জন্তে ভাবো ?

ধনে । ইয়েস্, মামা ভে—ভেরি গুড্, কি—কিন্—

চমৎ । কিন্—

ধনে । মামা গুড্—বেটার—বেষ্ট্ । কি...ই...ই—

চমৎ । কিন্—

ধনে । ভাবি দেশের জন্তে ।

চমৎ । কেন দেশের কি হ'য়েচে ; কোথায় আপনার দেশ ?

ধনে । ইন্ডিয়া ।

চমৎ । ওহো, ভারতবর্ষ !

ধনে । ই্যা-এ্যা ! তা—তা ও নাম্‌টায় ... ইন্ডিয়া—এ্যা—

এ্যাক্‌টা ফোর Punctuation ।

চমৎ । বটে !

ঘনে । (গান ধরিলেন) আমার জন্মভূমি—আমার জন্মভূমি ।
 ন—ক—ল দেশের নে—এ—সেরা—আ—আ—খা—মান ত—ম—গ—
 ম—ভূ—ভূ—উ—মি—

চমৎ । চূপ্, চূপ্, রাস্তার ধারে বাতী ।

ঘনে । আমার ফিলিংস্ এমেভে, ফিলিংস্ এমেভে !

চমৎ । আপনি তা হ'লে একজন পেট্রিয়ার্ট !

ঘনে । সেকেণ্ড-কেলাস্ সেক্‌সন্-বি ।

চমৎ । (সহাস্যে) সে কি ?

ঘনে । ফাষ্ট ক্লাস্ পেট্রিয়ার্টদের সোটার আছে । সেকেণ্ড-ক্লাস্
 সেক্‌সন্-এ—ট্রাম । সেক্‌সন্-বি,—ট'গাভোস্ ট'গাভোস্ । ছোট ছাক্
 প্রাইস, কোট চাঁদনি—

চমৎ । চূপ্, চূপ্, আর ব'লতে হবে না, বুঝিচ ? তা' এ সব
 পরা কেন ?

ঘনে । খদ্দের ঢাকাই উঠেচে, শাল উঠেচে, এখন—ব—অনাং
 কাশ্মীরী টাশ্মীরী উঠলে-ই—

চমৎ । খদ্দের-সাহেব হবেন ?

ঘনে । বেশ কথা বের কোরোচো ; সেক্রেটারীকে বোল্‌বো—
 English mind, Bengal body । ঐ দিদিনা যা ব'ল্‌হেলেন, বল দেখি
 কি ?

চমৎ । ইংরিজি মন বাঙলা দেহ, এই ত' !

ঘনে । ইয়েস্—গুড্, নাইট্ ।

চমৎ । নাইট্ নয় ডে ।

ঘনে । তুমি ডে, আমি নাইট্ ।

(হাসিতে হাসিতে প্রস্থান :)

চমৎ । বাইরেটা যাঁই হোক, ভেতর ক্রুর বজ্জাং নয় ।

(ঘনেশ্বামের পুনঃ প্রবেশ)

ঘনে । তোমার নাম-টা কি ?

চমৎ । কেন আমার নামে কি হবে ?

ঘনে । তা সত্যি ... আমি ভাগাব্যাণ্ড্ ।

(প্রশ্নানোচ্চত)

চমৎ । আমার নাম চমৎকার, না চমি ব'লে ডাকেন ।

ঘনে । (সহাস্যে) মিষ্টি ! স্বদেশের মত মিষ্টি !

(প্রশ্নান ।)

চমৎ । আশ্চর্য্য ! মানুষের ভেতর প্রায় মানুষ থাকে না জান্তুম,
কিন্তু বাঁদরের ভেতর মানুষ—মানুষ কেন, দেবতা গড়বার মাটা থাকে...
না না—টেক্ কেশ্বার চম্ !

গীত ।

ওরে পাখী !

জাল পাতা জাল পাতা

লাল লাল ফলে ।

মধু নয়, মধু নয়,

চিটে চিটে আঠা মাখা,

খাবি মিঠে ব'লে ॥

ডালে ব'সে নাচ্ পাখী

ডালে ব'সে নাচ্,

ভালবাস্ মা'র বাসা
 ভালবাস্ গাছ,
 (ভাল ফের্তা) রাখিস্ ডানা মেলে,
 মানুষ কাছে এলে,
 কোনো দিকে নাহি চাস্,—
 ফুড়ুক্মে উড়ে যাস্ নীল আকাশের তলে ॥
 উড়ে উড়ে গা'বি গান
 বাতাসের ভ'রে কাণ,
 ভুলিস্ নে' দেখে ধান্,—
 লুকানো ব্যাধের বাণ ধনুকের কলে ;
 (তার) বাঁশী যত সুমধুর,
 ফাঁসী কষা ততদূর সুরে বাঁধা ছলে ॥

(চৌধুরী মহাশয়ের প্রবেশ)

চৌধুরী । বাহবা চম্চম্ ! বাহবা চম্চম্ !

চম্ । কেন আপান এসে প'ড়লেন ?

চৌধুরী । বহুৎ বরষ কা বাৎ, তোম্হারি পয়দাইস্ বি তব্ নহি
 ছাখিদি ; নয়নে গিরারাহা—

চম্ । বাঁউ বেচ'নে মুণ্ডীর মে—

চৌধুরী । জরা শুনোতো সহি ; জান্বেল্ রবার্ট্'স্কা পণ্টন মে
 কম্সারিয়েট্ কি—

চম্ । বাঙলা ব'লে কি ইজ্জৎ যায় ?

চৌধুরী । ইয়ে কায়দা হো গয়া বিবি, ইয়ে কায়দা হো গয়া : দেহেলি,
পলাব, পেশোয়ার মে জিন্দগি গুজবু গয়া —

চমৎ । তবে আমি চ'লে যাউ হি'য়া থেকে !

(প্রস্থানোত্তরভিনয়)

চৌধুরী । (সুরে) বেও না আঁখির আড়ে, বেও না আঁখির আড়ে, আমি
দাঁড়িয়ে আছি পুকুর পাড়ে । শোন শোন ; ওই কাবুলের লড়াইয়ে গিয়ে
পাহাড়ে বুলবুলের গান শুনেছিলুম, আর আজ-কাল তোমার গলা —

(সুরে) কাহে চমকসে বুলবুল,

কাহে চমকসে বুলবুল,

গা—মা—নি—সা—

সা—রে—গা—মা—

ধা—নি—সা; ধা—নি—সা—;

গুলবাগমে দেখ্ আওয়ে হরগুল—

চমৎ । একটা বাঙলা গান্ না ।

চৌধুরী । বাঙলা গান ! ওই তোমার—(ব্যঙ্গসুরে)

জোছনা মোছানো কোঁচানো বসনে,

খাবি খেতে আর বাকী কতক্ষণ !

লব্জ্,—রাগে খাপ্ খায় না, বিবি, আলাপে কবুতপ্ হয় না ; বয়েদ
মর্দানা নয়, সের—খাকে এ দেশে কবিতা বলে, তা বাঙলার চলে কিন্তু
আলাপ, কালুওয়াতী গীত—

চমৎ । ওস্তাদি গাইয়েদের ওই এক কথা !

চৌধুরী । এই তোমাদের সাহেবী বাবুদের যেমন,—ইংরিজী নাহ'লে
কথার জোর হয় না । যে ভাষায় “চোপ'রাও” “হারামজাদ্” “বেয়াদব”
বদমায়েস্” নেই ; ড্যাম্ , রাফেল পো-টু-ফেল্ নেই,—সে ভাষা আবাব
ভাষা ! বড় জোর—অধঃপাতে যাও—

চমৎ । আমার শত্রুর যাক্ ।

চৌধুরী । মাথার মণি আমার, ছাত্তিকা পনজর , আঁখো কি
বোশনি ! তোমায় আমি ও-কথা বলতে পারি ?

(সুরে) তুহৌ লাগায়ো নজ'রা

লাগায়ো নজ'রা,

ভেরি লিয়ে বনায়ো সোণে কি পিঁজ'রা ;

সোণে কি পিঁজ'রা

এ মেরি রঙিলা চিড়িয়া, বড়িয়া চিড়িয়া—

চমৎ । (সুরে) মরি আমি মাথাটি খুঁড়িয়া,

মাথাটি খুঁড়িয়া,

খেলে আন্মায় বুঝি ছিঁড়িয়া ফিঁড়িয়া

ছিঁড়িয়া ফিঁড়িয়া ।

চৌধুরী । নাঃ, এ মেয়েটা দেখ্ছি বুড়োকে খুন না কোরে ছাড়্বে না ।
পুষ্প খুব যত্নে রেখেছে বটে, আর বৌ-মা তো একেবারে পুরোপুরি মায়ের
পৃতিমে, তবু এ বাঙ'লা মুল্লকের হাওয়া আমার বদ'াস্ত্ হ'চ্ছে না ; চ' দিদি,
হু'জনে গিয়ে পশ্চিমে কোথা-ও ঘর-গিরস্তি করি ; কানী-ফানী নয়, একদম
পঞ্জাব অঞ্চলে—ধর রাওলপিণ্ডি—

চমৎ । সেথা কি গয়ার পথ দে' যেতে হয় ?

চৌধুরী । তা যাওয়া যায় ।

চমৎ । তা হ'লে সেইখানে আগে আমার পিণ্ডিটা দে' যাবেন তো ?

চৌধুরী । শোভনান্না ! কোথায় আমি একটা পিণ্ডি দাতার সৃষ্টির চেষ্টায় আছি ;—

চমৎ । পিণ্ডি-দাতা না দণ্ড দাতা ?

চৌধুরী । আহা চমৎকারিণী ! প্রেয়সীর ঝঙ্কার আর পুলের প্রহার আহার ক'রে-ই তো আজ বাঙালী বীর ব'লে জগতে পরিচিত । এই ষাট বছর যেঠের বাছা-ই হ'য়ে আছি, ছান্‌লা-তলায় দাঁড়ানো আর বরাতে হোল না, একবার একটা পাঞ্জাবিনীর সঙ্গে পাঞ্জা কস্‌বার যোগাড় হ'য়েছিল, কিন্তু ভয়সা ঘুত লুচিকে যত-ই সুগন্ধি ক'রুক প্রেয়সীর বেণীতে ফেনিয়ে উঠ'লে—জিউ মিছ'লাতা ।

চমৎ । ভাল কথা, আপনার আইবুড়ো নাম খণ্ডন হবার উপায় হ'য়েছে ।

চৌধুরী । চাই তোমার মেহেরবানি, আউর কই জোয়ানী পদসন্দ' নেহি, ইয়ে ওয়াস্তে —

চমৎ । জোয়ানা নয়, জোয়ানী নয় ; একেবারে টাটকা জোয়ান. মুখে দে' চিবুলে-ই নাকে চোখে জল আর খিদে 'নদ্রে হ'জম । আপনার বেরান এসেছেন—ক'নের মত ক'নে !

চৌধুরী । এসেছেন ?

চমৎ । পত্রপাঠ ।

চৌধুরী । এ্যা—এসেছেন ?

চমৎ । স-শরীরে । তা' আপনি মেপাই, শাস্ত্রী, গোলন্দাজ গোরার সঙ্গে বরাবর ঘুরেছেন, সঙিনের খোঁচাটা আস্‌টা-ও অভোস আছে, কামানের আওয়াজে-ও আপনার কাণে তালি লাগে না, আপনার ভয় কি ?

চৌধুরী । গর্জন আছে নাকি ?

চমৎ । এখনো শুনিনি ; তবে আপনি তো জানেন আমি গান শিখিচ্ছি, স্কেল্ বার্না, — দু'একটা নোট শুনে-ই বুঝেছি Sopranoকে-৭ ছাড়িয়ে উঠতে পারে, একেবারে treble । মা বলে মা, পৌছুতে না পৌছুতে-ই কণ্ঠাকে চাণক্য-শ্লোক মুখস্থ করাতে আরম্ভ ক'রেছেন ।

চৌধুরী । কি রকম ?

চমৎ । ঐ যে—বিশ্বাসো নৈ - নৈ—

চৌধুরী । বিশ্বাসো নৈব কর্তব্যম্ —

চমৎ । স্বামিস্থ পুরুষেষু—ইত্যাদি । তবে মা আমার কাঁটা-গাছের গোলাপ ফুল :

চৌধুরী । বেসক ! আসল বসোর ! পিতৃপুত্রো পুষ্প এমন বো পেয়েছে ;...লক্ষ্মীকে কি দখল ক'রে ব'সেছেন ?

চমৎ । আসুন না দেখবেন ?

চৌধুরী । তস্মিন্ লে চলিয়ে ।

(উভয়ের প্রস্থান)

(লীলা লাহিড়ীর প্রবেশ)

লীলা । মিন্ , মিন্ ! কোথা গেল মিনি ?

(শ্রীধর ঠাকুরের প্রবেশ)

শ্রীধর । লাহিড়ী-মা আইছন্তি ? বস মা বস ।

লীলা । তোমার মা কোথায় শ্রীধর ?

শ্রীধর । মা এঠারে আসিব, টিকা ঠিয়াছ, চঞ্চড় আসিব , এই আমুছন্তি ।

(প্রস্থান)

লাইলা মা—স্বামী—হচ্ছিল...মিনির জীবন কি মিশ্র! আর আর
কি দোষ—কোন দোষ এই শাস্তি ;—

(যথাস্থানে বসিয়া বাঞ্ছনার সহিত)

গাত ।

তাই কি গো এই সাজা,

তাই কি গো এই সাজা ।

বালিকার দোষে, স'রে গেলে রোষে,

দেখিলে:না ক'রে ঘসা-মাজা ॥

জান না তো কত আমি কাঁদি,

ছবি এঁকে, বুকে রেখে সাধি,

ওমূরে ওমূরে গোপনে হই ভাজা ভাজা ;—

তুমি যে আমার চির-আপনার হৃদয়ের রাজা ॥

(পশ্চাতের গৃহ হইতে একখানি পুস্তক আনিয়া—পাঠারম্ভে-ই) ওঃ
ছবিটা আনি নি নাকি ? (হাতব্যাগ খুলিয়া ভিতর দেখিয়া) ষাঃ, ভুলে
ফেলে এসেছি । যাক ভাল-ই হ'য়েছে, মিঃ রায় বিশেষ সাবধান ক'রে
দিয়েছেন, ছবির কথা এখন না মিনি জানতে পারে ; খুব লুকিয়ে তার
হাতে দিতে হবে, চৌরঙ্গী থেকে ফিরে তারপর এখানে নিয়ে আসব ; —
চিন্-টার কাছে একটু টচ, দিনে-ও ভাল হয় । কি-এ বইখানা ! দেখি
আর ওইখানা ।

(পশ্চাতের গৃহে প্রবেশ)

সম্মুখভাগে কয়েকখানি সংবাদ-পত্র হস্তে মেঃ বাদ ও ভাড়াটীর কথা
কহিতে কহিতে প্রবেশ ।

ভাড়াটী । একখানি বাঙলা কাগজ দেখিতে দেখিতে "মুন্দরী
পাত্রী আবশ্যক" - That's an improvement : কি বল পুষ্পবরণ ?
ক্রমে বাঙলা কাগজে-ও বিবাহের বিজ্ঞাপন চলছে . "মিত্র বা ঘোষ ২৭
পষায়" orthodox—একেবারে খাঁচী হিন্দু ; "ম্যাট্রিক পাশ, গান বাজে
নিপুণা ;" বেশ ! বেশ ! এই তো উন্নতি :—Civilization ! march
quick,—double time.

রায় । এতে তাঁটার কি আছে ?

ভাড়াটী । কিছু না, কিছু না । তবে আমরা বরা প'ড়ে জাতে-ঠেলা
হইছি এই যা । (পুনঃ পত্রিকা পাঠ) "শাস্ত্রমতে মালকারা কণ্ঠা দান করিতে
হয় স্তত্রাং পাত্রীকে সর্কার সাক্ষাইয়া গহনা দিতে হইবে ;" দেখ্ছ হিন্দু-
শাস্ত্রে কি স্তুরাগ !

রায় । কেন ম্যাট্রিক পাশ, গান গানের কথা ব'লেছে ব'লে ?
শাস্ত্রে তো কণ্ঠাকে শিক্ষিতা—

ভাড়াটী । কর্কার ব্যবস্থা আছে । Quite true ; শিক্ষিতা, দীক্ষিতা,
বিখ্যাতা, আবার ইদনীং কেউ কেউ ওরির ভেতর দুটো শ্লোক চুকিয়ে
দিয়ে হৃদয় ক্ষত-বিক্ষিতা কর্কার ব্যবস্থা-ও দে' গেছেন ।

রায় । না না নহু—

ভাড়াটী । নহু ? ইয়েস্ , that Blackstone of the stone age.

রায় । ত্রোনার নহে কে পারবে ?

ভাড়াটী । "বর পক্ষের অর্থের লোভ নাই, নগদ কিছু-ই দিতে
হইবে না—

রায় । খুব ভাল—খুব ভাল ! সর্কার ফিরেছে ;—

ভাতুড়ী । “বেবন বিবাহের পর পাত্রটিকে বিলাত পাঠাইয়া সিবিল সার্ভিস পরীক্ষার জন্য প্রস্তুত বা কিছু বায় তাহা কন্যাপক্ষকে বহন করিতে হইবে”—

রায় । Oh ! Heavens ! সে যে চোদ্দ পনেরো হাজারের দাক্ক ।

ভাতুড়ী । More, more, কোচিং বড় expensive ব্যাপার । সমাজ ফিরেছে, সমাজ ফিরেছে ! শোন, “এ বিষয় বরকস্তার কোনরূপ জিদ নাই, কিন্তু পাত্রের মাতা—” That's it , dear, dearer, dearest মাম্মা ; বরের মাতা,—খুলেছেন খাতা : পাতায় পাতায় মাথা বিক্রয় ।

রায় । তুমি ক্রমে বড় তেতো হ'য়ে দাঁড়াচ্ছ, একেবারে নিম ।

ভাতুড়ী । না, quinine ; বিবাহ-ব্যাদি বিনাশের মহৌষধ ।

রায় । বিবাহ যদি ব্যাদি হয়, তবে বিধাতা করুন আমি যেন চিরকাল বিছানায় প'ড়ে ভুগি ।

লীলা । (পশ্চাৎ অংশ হইতে ঈষৎ দেখা দিয়া) আমি মিসেস্ রায়ের জন্তে অপেক্ষা কর্ছিলুম মিঃ রায় ; আপনারা কথা কইতে কইতে এলেন, আমি কেনন খত-মত—

রায় । ক্ষমা করবেন, ক্ষমা করবেন, দেখান আগে——নমস্কার ।

(মিঃ ভাতুড়ী সম্মান সহ নমস্কার করিয়া অন্য দিকে মুখ ফিরাইয়া দাঁড়াইলেন। আপনাকে-ই আনার আবশ্যক ছিল ; (লীলার নিকট বাইতে বাইতে)
One minute Jot——excuse —

ভাতুড়ী । No ceremony old fellow, trot away.

(অন্য পাত্রিকা পাঠ)

রায় । (লীলার প্রতি) Got it ? এনেছেন ?

লীলা । না, সামান্য একটু টচ বাকী আছে ; আইভারর ওপর কাজ—এখন একসঙ্গে ঘুরতে হবে, যদি মিন দেখে ফেলে :—আপনি বিশেষ ক'রে—

রায় । ঠিক ঠিক । I want to give her a surprise .
আগে আশা ক'রে প্রতিফার চেয়ে হঠাৎ কোন ভাল জিনিষ পাওয়ায়—

লীলা । বেশী আনন্দ ।

(সম্মুখভাগে এক পাশে শাটী আদিত মঞ্জিতা মিসেস্
পাক্‌ডাশীর প্রবেশ)

পাক্ । পুপ্প এসেচ ?

ভাতুড়ী । (নিরব্বরে) একটু—তিনি একটা লেডির সঙ্গে কথা
কইছেন ।

পাক্ । এঁ এঁ—ন্যারেড্‌ম্যান্ আলাদা দাঁড়িয়ে ফিস্-ফিস্ ক'বুচে
একটা মেয়েমানুষের সঙ্গে—Infectious !

ভাতুড়ী । She is a lady !

পাক্ । That woman ?—A slut !

ভাতুড়ী । (ভৎসনার স্বরে) Madam !

পাক্ । Brute.

(মিসেস্ পাক্‌ডাশীর প্রস্থান)

ভাতুড়ী । বাম্বা নাকি ? পুণ্ডর পুপ্প !

লীলা । না, উনি আমার সঙ্গে কথা ব'লতে ভালবাসেন না ; আমি
এই দিক্‌কার সিঁড়ি দে' তেতালায় বাই ।

(লীলার প্রস্থান)

রায় । (সম্মুখে আসিয়া) হুট—হুট—হুট—জট, ছিঃ ! মিসেস্
লাহিড়ীর চোখে আমি জল দেখেছি ।

ভাতুড়ী। তবে কোথা-ও আশ্রয় নেগেছে। এখন-ও তিনটে বাজতে
 ঢের দেয়া।

রায়। নির্দয়!

ভাতুড়ী। তুমি এটা জান না যে স্বীলোকের চোখের জল
 কর্পোরেশনের কলের চেয়ে-ও punctual, ঠিক টাইমে আসে, টাইমে
 বন্ধ হয়; তবে আশ্রয়-টাশ্রয় লাগলে, বেশী রাতে-ও—

রায়। Brute.

ভাতুড়ী। Thank you; আর একটি বিউটী-ও আমাকে এইমাত্র
 ঐ সুনামটি দিয়ে গেছেন।

রায়। বিউটী? কে এনেছিলেন? আমি দেখতে পাই নি?

ভাতুড়ী। তিনি তোমাদের দেখেছেন এবং মতামত-ও প্রকাশ
 ক'রেছেন;—“Infectious,” বোধ হয় Infamous mean ক'রেছিলেন।

রায়। Lady? কি রকম দেখতে?

ভাতুড়ী। Not less than twenty stones by weight,
 circumference—

রায়। মা এসে পৌঁচেছেন নাকি?

ভাতুড়ী। ওজনে-ই বুঝে ফেললে যে!

রায়। No refusal, no refusal হটিল!—আজ এখানে তোমায়
 আইন ক'রতে-ই হবে, কোন ওজর শুনবো না, কো—

ভাতুড়ী। Poor bachelor! পুষ্প, আমায় spare কর; ভারি
 বেচারা আমি, স্বীলোকের সঙ্গে ব'সে খেতে আমি বড় ভয় করি।

রায়। বটে! ব'লে দিচ্ছি মিনিকে।

ভাতুড়ী। না না তিনি না; one exception; তাঁর কথা আলাদা...
 তিনি—তিনি innocent as a child...তোমার অত্যন্ত সৌভাগ্য যে—

রায় । শোন, আজ একটা মজা কর্কো ; এখন-৬ কাঁকে-৫ ব'ল নি—
মিনিকে-৩ না । জ্যোঠামশাই জানেন আর তোমায় ব'লেছি ।

ভাতুড়ী । দেখ স্ত্রীর কাছে কোন কথা গোপন ক'র না, তা'কে—

রায় । আহা তা কেন, এ তাঁকে খুসি ক'রে দেব ব'লে-ই আগে
ব'লি নি । আজ আমার জন্মদিন—

ভাতুড়ী । My congratulations ! তার-৬ কাঁশী বছর এই বক
ঘুরে আসুক ।

রায় । Thanks ! মিনি এ তারিখ জানে না ; কিন্তু আজ তাঁকে একটু
বিশেষ দিনারের অডার দিতে ব'লেছি, ...তুমি থাকবে তিনি জানেন ; আর
সেই সময় তাঁকে একটা প্রেজেন্ট —এই কথাটা-ই গোপন—

ভাতুড়ী । তবে আমাকে-৩ ব'ল না ।

রায় । পাপল দেখ, তোমার জানতে দোষ নেই । আইভারের ওপর
মিনির একটা মিনিয়চার ছবি আঁকবার জগা মিসেস লাহিড়ীকে ব'লেছি—

ভাতুড়ী । ও—সুন্দেছি, ছবি এঁকে-ই ওঁর এখন চলে ।

রায় । Don't talk ; পরের পলগ্রহ হওয়ার চেয়ে টের ভাল । she
has a spirit. জ্যোঠামশাই তো ওঁর গালা, তাঁর কাছে-ও সাহায্য নিতে
নারাজ । আমার জন্মদিনে মিনিকে তাঁর ছবি প্রেজেন্ট দোবো—

ভাতুড়ী । উন্টো ? কোথায় তিনি তোমায়—

রায় । ব'ল্লুম না—সে কি জানে আজ আমার —mum !

(মিনি, লীলা ও মিসেস পাকড়াশীর প্রবেশ)

মিনি । (সহাস্তে) চুপ্ ক'রলে যে চ'লুক না কথা, আমি শুনে কি
দোষ আছে ?

পাক্ । হ্যা আছে । পুরুষের কত গোপন কথা থাকে, সব কি স্ত্রীকে
শুনে আছে ! তুমি বাঙলা মতী হ'য়েছ আর এটা বোঝ না ?

ভাহুড়ী । (স্বগত) এক ছোবল্ ! (প্রকাশে মিনির প্রতি) নমস্কার ।

মিনি । নমস্কার মিঃ ভাহুড়ী ! (মা'র প্রতি) ইনি মিঃ রাঘের
ডেলেবেলার বন্ধু ।

ভাহুড়ী । মিসেস্—মিসেস্—

লীলা । পাক্‌ডাশী ।

ভাহুড়ী । মিসেস্ পাক্‌ডাশী, আমার নমস্কার গ্রহণ করুন ।

পাক্ । (উপেক্ষার স্বরে) Good morning. এখন অনেকে-ই
ইংরিজি ড্রেস্ পরে কিন্তু ইংরিজি ম্যানা জানে না ।

মিনি । থানিকটা ঘুমিয়ে সুস্থ হ'য়ে নেবে ব'লে না মা ?

পাক্ । তোমরা-ই তো কথা শুরু ক'লে :—কই পুষ্প তে—

রায় । এই যে আমি প্রণাম ক'ছি ;—

ভাহুড়ী । (জনান্তিকে) বল “আস্তিকশ্চ মুনেঃ যাতা—What next ?

পাক্ । কাম্ কাম্ সানি, won't you kiss me ?

ভাহুড়ী । Do, do, পুষ্প—

মিনি । লীলার সঙ্গে মা আজ আমার শপিং-এ যাবার কথা ছিল,
এখন যেতে ব'ল্ছে—তা—তা—

পাক্ । ওটা কে ?

মিনি । সে কি মা ! লীলাকে চিন্তে পাচ্ছ না ? আমরা এক
স্থলে প'ড়'তুম্, কত ভাব... বাড়ীতে-ও আমার সঙ্গে দু'একবার গেছে—

পাক্ । হবে । কত লেডীর আসা যাওয়া ছিল তখন ;
সিভিলিয়ানের লেডী, ডাক্তারের, ব্যারিষ্টারের—

মিনি । অ-মা, পুওর লীলা ! ব্যারিষ্টার হেয়েন সাহিড়ীর সঙ্গে
বসে হ'য়েছিল, কিন্তু —

পাক্ । নাম শুনি নি ।

লীলা । ছ'বছর-ও তিনি বেঁচে ছিলেন না, মা !

পাক্ । বড় সাবধান, বড় সাবধান মিনি ! বড় dangerous, বিশদ্বান্ । ওর শিগ্গার আবার বিয়ে করা উচিত । আমি কেবল মিনির জগ্গে...নহিলে...জানো মিঃ ভাদুডা, মিঃ পাক্‌ডাশী মরবার পর— আমরা তখন শিলংএ...আহা, ছোকরা বেচারারা আমার এন্নি court ক'র্টে আরম্ভ ক'ল্লে...তখন এত রোগা হ'রে যাই নি...চেগারা—তুমি ব'রে বিশ্বাস না ক'ন্তে পার, ছোকরারা—

ভাদুডা । আমি খুব বিশ্বাস করি ; এখনকার ছোকরাদের ভয়ানক মাহ্‌স, তারা প্রাণে মরবার ভয় রাখে না, হাসতে হাসতে জেলে যায়, বিবাহ তো বিবাহ !

মিনি । তা লীলা একলা বাক্, আমি আজ আর ওর সঙ্গে বাব না । তোমায় একলা ফেলে—

পাক্ । না না, আমার জগ্গে থাকতে হবে না ; আমি আপনার সব ঠিক্ঠাক্ ক'রে নোব ।

লীলা । আপনি এসেছেন শুনে আমার যে কত আহ্লাদ—

পাক্ । তাই নাকি ?

লীলা । আমার নিজের সব কুরিয়ে গেছে ; মিনিকে ভয়ীর চেয়ে ভালবাসি, ওর মুখে আমার সুখ, ওর আহ্লাদে আমার আহ্লাদ !

পাক্ । (স্বগত) কি আমার আহ্লাদী গো ! (প্রকাশে) তোমরা তো কেউ মা হও নি, মা'র ব্যথা কি বুঝবে ? মিনকে পরের হাতে দিয়ে—

মিনি । অ মা—

পাক্ । তা 'ধম জামাই ভাগনা, তিন নম্ব আপন'—বাঙালীরা বলে ।

ভাদুড়ী । (অনাশ্চিকে) শুনছ জানাঠি নাহেব, মায়া ঠিড়কানী
ধ'ল্লেন ।

পাক্ । আনার কেবল ভয়, কখন কি হয় ; বিশেষ কল্কেতার
বার্তার মোকের উৎপাতে স্ত্রী পুরুষে যে নির্জন স্থখে—

মিনি । Come লীলা ! (নিঃ রায়ের প্রতি) তবে আমি একটু
দুরে আসি গো !

(লীলা ও মিনির প্রস্থান)

পাক্ । ভারি কাঁচা মেয়ে, ও এখানে থাকলে কেবল বাপা দেবে ।

(প্রস্থান)

ভাদুড়ী । আসতে না আসতে একেবারে ঘর-বাড়ী ক'রেছেন !

রায় । কণ্ঠার প্রতি অত্যন্ত স্নেহ ।

ভাদুড়ী । এত বেশী যে পৃথিবীতে আর কাকে-ও দেবার ভ্রম
ছটে ফোঁটা-ও প্রাণের ভেতর রাখেন নি ; তা ছাড়া কণ্ঠাকে-ও এই
স্নেহের পরিবর্তে তাঁর স্থাবর অস্থাবর—

রায় । খালি সন্দেহ, সন্দেহ ! বেশ ক'রে ভাব দোখ তোমার
নিজের জীবনটা কি ! যদি মিসেস্ লাহিড়ীকে—

ভাদুড়ী ।

গীত ।

আমার এ বড় মজার জীবন ।

বৌ এসে করে নি আলো কুমার-ভবন ;

বড় মজার জীবন, বড় মজার জীবন ॥

বৌ কয়না কথা মিহি মিহি,

ক'রতে হয় না জবাবদিহি ,

ব্রাহ্মি ব্রাহ্মি ডাক্ ছাড়ায় না, সজল-লোচন ;

কলের সজল-লোচন ॥

কালো চুলের ভাল গন্ধ,

বিছানায় নাই মন্দ মন্দ,

তবু জমা খরচ হয় না দিতে

প্রিয়তমার রাখতে মন ॥

চাকরেরা হ'লে-ও clever,

চা'য়ে পাই না মিষ্টি। flavour,

স্বৃতি পাই না ক'রে labour,—

নিজের তরে উপার্জন ;

ভোগের একটা ভাগী প্রয়োজন ॥

ওয়াইফ্ ওয়াইফ্ ওয়াইফ্ ,

Happy sweet life,

যদি রসনাতে Roger's knife না থাকে গোপন—

Fatal weapon ।

Beauty, beauty, beautiful.

যখন আলাপ করে গোলাপফুল,

অবশেষে বানিয়ে fool,

coolly সে করে শাসন,

এ ভক্তের পক্ষে ভারি শত্রু

স্বী-rule regulation ॥

রায় । So jolly a chap ! বিবাহ তোমায় ক'তই হবে ।
And that—মিসেস্ লাট্‌ডীকে ! আমি বুঝতে পারি তিনি তোমার
ভোলেন নি ।

ভাদুড়ী । আশ্চর্য্য স্বরণ-শক্তি !

রায় ! হৃদয়হীন ! তুমি আবার বল দেশকে ভালবাসি ! বি, এ,
প'ড়তে প'ড়তে তুমি স্বদেশী হান্ধানায় কলেজ ছেড়ে দিলে, তাই তো
শুঁর বাপ্ বেগে তোমার সঙ্গে বিয়ে না দিয়ে হেমেনের সঙ্গে বিয়ে
দিলেন ; এতে শুঁর দোষ কি ?

ভাদুড়ী । দোষ আমার, এই ছাত্রবয়সে বহুরের জীবনটাকে গাণ্ডগাছে
ফেলে নিংড়ে দিয়েছি ।

রায় । Old fellow, old fellow, excuse me. আমার অন্তায়
হ'য়েছে ভাই, আয়্ এক কাপ্ কফি খেয়ে নিই ।

(স্নেহভরে বাহু বেটন করিয়া উভয়ের প্রস্থান)

উত্তর-চিত্র ।

(অভ্যর্থনা-গৃহ । মধ্যস্থলে বাম-দক্ষিণ-ব্যাপ্ত কাষ্ঠ-আবরক দ্বারা বিভক্ত ; বিভাজক প্রাকার, মসৃণ উজ্জ্বল কারুকর্মযুক্ত, দুইধারে সঙ্কীর্ণ ও মধ্যে প্রসর যুক্তপথ ; অবকাশস্থল সুদৃশ্য পটাচ্ছাদিত । সম্মুখ ও পশ্চাতের গৃহ বিবিধ বিচিত্র আসনাদিতে সুসজ্জিত । সম্মুখে এক কোণে একটী পিয়ানো, অন্যকোণে মহিলাব্যবহারোপযোগী লিখিবার টেবিল ও চেয়ার ; পশ্চাদ্গৃহের দিকে চাহিলে ভদ্রলোকের প্রয়োজনীয় লিখনাদি কার্যের সরঞ্জাম ও পুস্তাকাধার প্রভৃতি দৃষ্ট হয় ।)

(চৌধুরী মহাশয় ও মিসেস পাকড়াশীর প্রবেশ)

পাক্ । আপনার তো বয়স হয়েছে—

চৌধুরী । তা হয়েছে বই কি ; বেহায়া বোশেখ মাসটা তো ঘুরে ঘুরে আসতে ছাড়ে না ।

পাক্ । বোশেখ কি—এপ্রেল ?

চৌধুরী । হ্যা ইংরিজিতে “এপ্রেল ফুল” আর বাঙলার “বৈশাখে নর বানর,” তাই ব’ল্ছিলুম্ বোশেখ মাসটা ঘুরে ঘুরে আসে আর আমার বয়সটা এক বছর ক’বে বাড়িয়ে দিচ্ছে ষায় ।

পাক্ । তা' বাড়ে, পরমাষু বাড়ে । যারা কুটুম্বিতে পাতিয়ে লোকের বাড়ী চুকে ব'সে বেচারার অন্ত ধ্বংস করে, তা'দের বেন মরণ নেই ।

চৌধুরী । রাম কহো বিহাইন্ ; বছকাল পাঞ্জাব অঞ্চলে থাকলে-ও আমার মেজাজ অতটা কাঠ-খোটা হ'য়ে যায় নি । আপনি আরো দশ বছর বেঁচে থাকুন, নাতি নাতনীর মুখ দেখুন । তবে কি জানেন, আগে আমাদের হিঁচুমানী-ঘরে শাশুড়ীরা জামাই-বাড়ী যাওয়া বড় লজ্জার কথা মনে ক'তেন, এমন কি নেমন্তন্ন যাওয়া—ব্যামো হ'লে দেখতে যাওয়ার-ও প্রথা ছিল না ।

পাক্ । কি অসভ্য বর্কর custom !

চৌধুরী । তবে কি কন্যাটিকে এক বেচারীর হাতে তুলে দিয়ে আর সংসারকে নিছের কাষ্টম্-হাউস করাটা-ই শাশুড়ী মশাইদের গর্কের কথা ?

পাক্ । না, মা মেয়ের বাড়ী এলে শক্র, আর কোথাকার কে পর আপনি, তাই সংসার উতলে দিতে এসেছেন !

চৌধুরী । পরকে আপনি ক'রে নিয়ে-ই তো সংসার চ'লছে । মিঃ পাক্‌ডানী বিবাহের ছ'মাস পূর্বে-ও হয়তো আপনাকে চিন্তেন না, কিন্তু সেই অজানা পর আপনি ঘরে এসে তো তাঁর মা-বোনের চেয়ে আপনার—

পাক্ । নাতী— ! নাতনী— ! বেহান্ । —কি সব অশ্লীল কথা ! আমার—আপ্— তোমার সঙ্গে “আপনি” ব'লে কথা কইতে ঘৃণা—

চৌধুরী । বুঝেছেন মাই ভিয়ার, তুই তোকারি-ও ক'ত্তে পারেন ; আর যখন ঘোমটা খুলে কথা কইছেন তখন বেহাই সম্পর্কে লালা পর্যন্ত—

পাক্ । Oh ! My ! My !—

চৌধুরী । ছিঃ বেয়ান ! ওকি কথা মুখে আনছেন ? এত বড় পেশোয়ারী গোর্ক্ দেখে-ও বৃদ্ধ তে পাচ্ছেন না যে আমি পুরুষ মানুষ ! আমার সামনে—

পাক্ । Horrible ! Horrible !

চৌধুরী । বেশ, হরিবোল হারিবোল বলুন ; হু'জনার-ই মজল, যে-ই আগে যাই ।

পাক্ । এ রকম সব কথা শুনে এখন আমার কিট হবে ।

চৌধুরী । চমৎকার ওষুধ আমার জানা আছে ; একটা ঘটা জল টেলে দেওয়া । চুল ধারাপ হবে আর মুখের পাউডার ধুয়ে ষাবার ভয়ে হিষ্টিরিয়া যত শীগ্গীর চাড়ে চুরুটের ধোঁয়া নাকে দিলে-ও ———

পাক্ । দেখ, You must—shall—will—should—

চৌধুরী । উড্—কুড্—বো—বে—বা ।

পাক্ । Hold your tongue ।

(চৌধুরী মহাশয়ের জিহ্বা বাহির করিয়া অকুলি দ্বারা ধারণ)

পাক্ । ও কি ?

চৌধুরী । জিহ্বা ধর'তে আজ্ঞা ক'বলেন, লেডীর হুকুম ।

পাক্ । হুকুম ! অর্ডার ! আমি অর্ডার দিচ্ছি বাস্ক-টাস্ক নিয়ে এখনি —

চৌধুরী । গাড়ী ডাকিয়ে আপনাকে তুলে দোবো ? তথাস্ত ।

পাক্ । আমায় তুলে দেবে ? তুমি চ'লে যাও ; আমার হুকুম ।

চৌধুরী । জানেন আমি পল্টনে ছিলাম, পুলিশ আমাদের দশ রাত্রের জাতি—তা ছাড়া—

পাক্ । কি ?

চৌধুরী । কোনো শালুড়ী কোন-ও দিন আমায় কড়ি দিয়ে
কেনে নি, দড়ি দিয়ে বাঁধে নি ।

(প্রস্থান)

পাক । আচ্ছা এখন যাও, মোদ্দাং তোমায় দূর ক'রে তবে—
মিনি কি ব'লছিল, যে ওই বড়ো পুষ্পকে নাকি বিলেতে যাবার সময়
অনেক টাকা পাঠিয়ে সাহায্য ক'রেছিল । নিশ্চয় ওর বাপ থাকতে
তার ঠেঙে ধার-টার ক'রেছিল নইলে ভদ্রলোকে ভদ্রলোককে খামকা
সাহায্য করে... তা-ও আবার পকেট থেকে টাকা দিয়ে... বাগা-ঘরটা
এখন-ও দেখা হয় নি ।

(প্রস্থান)

(মিঃ ভাহুড়ীর প্রবেশ)

ভাহুড়ী । মার পদভরে মেদিনী টল্টলায়মান ! করাল বদনা !
মুখে ঠাট্টা-ই করি আর ঘা-ই করি, বিবাহের লটারীতে একখানা সোনার
ছবি প্রাইজ পেয়ে ছোকরার ঘরটিতে সত্য-ই সুখের শ্রী ফুটেছিল ; কিন্তু
যো কি, যো কি, দাম্পত্য-জীবনকে কম্পিত ক'রতে একটা না একটা
গন্ধকের গুদামে আগুন ধ'রবে-ই ধ'রবে ; তারা-ভরা আকাশে ঝাঁটার
গোছা লেজে বেঁধে একটা না একটা ধূমকেতু—

(চৌধুরী মহাশয়ের পুনঃ প্রবেশ)

চৌধুরী । আরে এই যে জটীল, তোমাকে-ই খুঁজছিলুম ;—

ভাহুড়ী । কিন্তু যাকে জন্মে-ও খোঁজেন নি তার-ই গোঁজ পানা
ধুখানা সামনে এসে উদয় হোল—না ?

চৌধুরী । যা ব'লেছ বাবাজি—ঠিক যেন মেয়ে জগন্নাথ ।

ভাহুড়ী । মেয়ে...এ বিষয়ে আপনি ঠিক সিদ্ধান্ত ক'রতে পেরেছেন
কি ?

চৌধুরী । ভারি সন্দেহের কথা বাবাজী, ভারি সন্দেহের কথা ।
বহুং সোবে কি বাং, মগর মগজ্ উন্কি বিগড়্ গয়া, ইসমে সোবে নেহি
বিলকুল । যব্‌নে দস্‌ং হিলায় কর্ মুক্‌কে বোলিন্ . “নিকাল বাও,
কোঠীসে, মেরি হুকুম”——

ভাড়াই । আপনাকে ? সত্যি ?

চৌধুরী । মেরা মালুম হযা হাওলদার হবিবুল্লা দলেল সে——

ভাড়াই । না না এ ভাল কথা নয় চৌধুরী মশায় !—এরির
মধ্যে—— উনি জানেন আপনার সঙ্গে পুষ্পবরণের কি
সম্বন্ধ ?

চৌধুরী । ছনিয়ায় বার নিজের হারামজাদকীর সঙ্গে-ই মাত
সম্বন্ধ, সে কি আর বাবার সম্বন্ধ দেখতে পায় !

(মিঃ স্বামীর পুনঃ প্রবেশ)

স্বামি । একজন পাকা গিন্নি বাড়ীতে দরকার, নিশ্চয় দরকার ।
সব দেখতে শুন্তে যা নিজে রাগা ঘরে গেলেন ।

চৌধুরী । তবে আর শ্রীধরকে আজ দেশলাই ছেলে উছনে আগুন
ধরাতে হবে না ।

স্বামি । কে——কেমন ?

ভাড়াই । দুখানা হাত বাড়িয়ে দে পুষ্প, দুখানা হাত বাড়িয়ে দে,—
তোকে প্রাণ ভ'রে congratulate করি । সুখা বর্ষণ, শান্তি নিকেতন,
মা'র দোলায় আগমন—কলং মড়কং ।

স্বামি । ওঃ, তোমার সেই ঠাট্টা !

ভাড়াই । না হে না মড়কং অথবা চড়কং । পিঠ ফুঁড়ে বাশের
ডগার বুলিয়ে, দে পাক্ দে পাক্ ।

রায়। ব্যাপার খানা কি ?

ভাদুড়ী। চৌধুরী মশায়কে এখন বাড়ী থেকে নিকাল ঘেঁষে
তকুম দিয়ে গেছেন।

রায়। না—

চৌধুরী। কওরান্— --পত্রপাঠ।

রায়। আশ্চর্য্য করলে যে! চৌধুরী মশায়—আমার বাপের
চেয়ে—

ভাদুড়ী। নেই খানে-ই তো মুন্সিগ। যান্না ডায়াকির ভয়ানক
বিকুদ্ধে। বুরোক্রেসীর ওপর যদি আর কিছু থাকে তো সে শান্তডী-
ক্রেসী—with শালাক্রেসী for the detective department. তবে
ভাগ্যক্রমে তোমার শালার বালাই নেই।

চৌধুরী। তার সঙ্গে চুঃখ করো না বাবা পুন্স, শান্তডী ঠাকরণ
একেবারে শালার ঘরে শালা।

রায়। না না এ সব বন্ধ কর্তে হবে।

ভাদুড়ী। এ মা খুড়ী নয়, মা খুড়ী নয়, স্ময়ঃ শান্তডী—

(নেপথ্যে ঠেজসাদি পতনের শব্দ ও শ্রীধর, ব্রজ, বেহারা এবং
ঝিঘের একত্রে কলরব করিতে করিতে প্রবেশ)

শ্রীধর। বাঙ্গলো বাঙ্গলো, এ গোটে ম্যাম ড্যাম রাঙ্কল !

ব্রজ। মেমদো রে ভাই, মেমদো! মেমদো দেহনি ঠাহর ?
মাইয়ে মেমদো।

বেহারা। হিসাব কোড়ি চুকালে—

ঝি। আরে ধাম্ মিন্‌সে মেডুয়াবাদী ! সাহেব, আমি চন্নু।
তুমি সাহেব-ই হও আর যা-ই হও, মগন তোমার বাবা ব'লেছি তখন

আপান অপঘেরা ক'রে আমার যা পাওনা-টাওনা থাকে চুকিয়ে দাও
আমি চর । আর না দাও—তোমার দশ্ব তোমার কাছে ।

(প্রস্থানোচ্চতা ।

বায় । আরে শোন শোন সখীর মা, কি হ'য়েছে ?

ঝি । বাসন-কুমোন ফেলার ঝন্ঝনানি বে ঝাম্মাপুখর অবধি
তুনা গেছে আর আপান এ ঘরে কোনো-এ আশ্বাজ পাও নি ?

চৌধুরী ! একটা আশ্বাজ শুনে চ'মকে উঠেছিলুম বটে, কি
হ'য়েছে বল ত' সখীর মা ?

ঝি । সুনাব সংসারটিতে ধুমকেতুর লাক্ছেক গো দাদামশায়,
ধুমকেতুর লাক্ছেক ।

ভাতুড়ী । আপাততঃ তোমার নাচন—

ঝি । লাচালে-ই লাচেক গো সবাই, তুমি যে অত বড় ভৌদড
সাহেব— বাবু, ফিরিকি মশাই, তুমি-ও লাচালে—

শ্রীধর । নাচব ত ! মতে—চোর কইচি মু সোতি সকাশে কুঁদি
ফাঁকি হুঁচি । মু উৎকড় ব্রাম্হন, অগ্রিহোজী, মোর কোঠী অপমান
নেই ? মতে গোটাইয়ে মাই-কিনি...আমিকার চোর কতিনা !

বেহারী । আরে মোর হিসাব স্কৌড়ী, —কেতিনুর ছাপুঁরা জেলাসে
আওয়াল—

ব্রজ : এ হালা জংলি মেরুয়াবাজী পুইমা পুইমা কইরে—

বেহারী । আরে এক মাহিনা নয় রোজ্কা হিসাব তো—

ঝি । চুপ করু যাটের মড়া ! মাইনে মাইনে, —আমার বাবা কোন
জন্মে কার টাকা বাকী রেখেছেক ? দেখ বাবা ভদর ঘরের মেয়ে আমি
হুস্কে প'ড়ে না হয় এইছি বাসন ধুতে, ওমা আমার বলে কিনা
বাবুর্জিখানার বাসন মাজতে ! মশালচিকে জবাব দিয়ে—

ব্রজ । ঘারে শোনচ দেয়ের বিটা, কলমদা আজ আসছে মশালটির
কাম ক'রতি, ও যোগার স্থানের । ওনার হাল-হালাৎ যুই কিনা জানি ;
কলমদির আকার, ফুফুর, নানির, বা একটা খস্তর ছেল সেটারে তুর্কীর
বাদশা—

বি । ডাক না বেজা. ডাকনা তোর সেই তুর্কীর বাদশাটিকে কত বড়
কাপের বেটা দেখা যাউক । দাঁড়াক ওই মেয়ে পাড়োজ—আমাদের
এই বাবুর ম্যাম-শান্তীর সামনে ।

শ্রীধর । টিক্যা রোহি যা বিয়েবরী, টিক্যা রোহি যা । সাহেব,
মু ব্রামহণ, মু আপনকো আশিক্বান করছি আপান লক্ষ লোক পোষণ
করোন্তি, মতে বিদায় দেয়ন্ত ।

ভাছড়ী । সে কি শ্রীধর, আমাদের ছেড়ে তুমি কোথায় যাবে ?

শ্রীধর । উৎকল—পাচক-কুমুটী সভাপতি শুনিলে মতে কুড়ি তুফা
জরিমানা করিব ।

ভাছড়ী । তোমাদের আবার সভা আছে না কি ?

শ্রীধর । সভা নেই কে কাহ্লা, ইংরাজির আছি বঙালীর আছি
মডুয়ালির আছি তেমাত ওড়িয়ার-ও সভা আছি । ওড়িয়া বান্ধুনা
গ্যাসো মিস্তিাড় ঘর-চাকর এমানকু ঘেনিকার মিটিং হউচ্চ
সেক্রেটারী বোস-সাহেব—

রায় । যা কি তোমাদের কিছু ব'লেছেন ?

বি । না বাবা, কিছু বলেন নি কিছু বলেন নি ; কেবল বলিদান
চেয়েছেন, মুতু-মালা গলায় প'রে এই দাদামশায়ের বুকের ওপর
দাঁড়াবেন । ওর নাম ক'রে ছকার আমি সকলে শুনেছি বাবা ।

রায় । তোমরা একটু যাও ঠাণ্ডা হও গে, আমি সদ ঠিক ক'রে
দোবো, তোমাদের যা আসুন ।

শ্রীধর । মা ! মা প্রকৃত লখ্মী ।

ব্রহ্ম । ছাব্তা—ছাব্তা ।

ঝি । অন্নোপ্নো—অন্নোপ্নো ।

বেহারা । মায়ী বড়ি ভালা ।

চৌধুরী । আচ্ছা এখন যাও । (পরিচারকদিগের প্রস্থান)

রায় । জ্যেষ্ঠা মশায়—

চৌধুরী । উদ্বিগ্ন হ'য়ো না, ও-ঘরে চলো, একটা—

ভাড়ী । ঘুরে আসি পুষ—Shall be back in a jiffy ।

(একদিকে চৌধুরী ও রায়ের ও অপরাধিকে ভাড়ীর প্রস্থান)

(চমৎকারের প্রবেশ)

গীত ।

বলে যেম্নি মা তেম্নি ছাঁ,

বলে যেম্নি মা তেম্নি ছাঁ ।

কিন্তু কই তাতো না, তাতো না ॥

এ মা যেন বাধিনী, মেয়ে বিভাষ রাগিনী

নাগিনী-নন্দিনী যেন জরৎকারু-দারা ॥

কোথেকে এক এল ফেঁকড়া,

খাশুড়ী নয় ছেঁড়া নেকড়া,

পাকড়ানী তো পাকড়ানী,

কেবল ঝগড়া-প্রয়াসী,

খাঁকড়া-বনের কাঁকড়ার মতন
 দাড়া ছুটো সাঁড়াশী,
 কখন কি যে ঘটিয়ে বসে,
 কাঁটা দিয়ে ওঠে গা ।
 সৃষ্টিছাড়া গুপ্তির গর্ভে
 আমার এমন মিষ্টি মা, মিষ্টি মা ॥

(ঘনেশ্বামের প্রবেশ)

ঘনে । এন্—এন্কোর, এন্কোর—খালি এন্কোর ! N—O—P
 —Q কোর !

চমৎ । বাঃ, আপনি খুব থিয়েটার দেখেন বুঝি ?

ঘনে । দেখি—আমি একজন মস্ত এক্টর । আর—আর্টারি,
 না—না—আর্টিস্-টিস্-টিস্,—নদে শুদ্ধ লোক আমায় নাট্য-ভট্টাচার্য্য
 বলে ।

চমৎ । ক'ল্‌কাতার কোন বড় থিয়েটারে যোগ দেন না কেন ?
 অনেক টাকা রোজগার ক'রতে পারেন ।

ঘনে । রোজগার ক'রে কি হবে ? টাকা এনে রাখ্ব কার
 কাছে ?

চমৎ । কেন নিজের কাছে ।

ঘনে । আমার নিজ কোথা ? এত বড় বুড়োখাড়ি হ'চ্ছি,
 আপনার কাপড়-চোপড়-ই ঠিক থাকে না তো টাকা ! এই ধন্যতমার
 কাছে একটা সাহেব বল্লো—নো ফুড্, তাকে ছাট্টা দিয়ে ফেললাম ।

চমৎ । সত্যি-ই তো তোমার মাথা খালি দেখছি যে !

ঘনে । সবাই বলে আমার মাথা ঝালি ।

চমৎ । আচ্ছা তোনার যদি টাকা রাখবার লোক কখন-ও হয়
তো থিয়েটার কর ?

ঘনে । করি না ? আমায় সবাই টানাটানি করে ।

চমৎ । টানাটানি করে বুঝি ?

ঘনে । ক'রবে না ! গিরীশ ঘোষের খাবু, কোর, ফিপ্ হবে,
কিন্তু চমৎকার দিদি, এই ঘনেশ্যাম ম'লে আর ঘনেশ্যাম হবে না ।
কপি-রাইট—রেজিষ্টার । একটু—একটিং দেখবে ?

চমৎ । না—না—না এখন না । বাড়ীতে কে এয়েছেন দেখে
যাও নি ?

ঘনে । এখোনো যায় নি ?

চমৎ । যাবে কি ? এ জন্মে এ বাড়ী আর ছাড়বে না ।

ঘনে । আমার কি কপাল ! আমার মত ভাগ্নে ; কুস্তকরোর মত
খাণ্ডী !

চমৎ । খাণ্ডীর নামে তোমার ভয় হয় নাকি ?

ঘনে । ভয়-টয় নয় ; খাণ্ডী বাড়ীর ভেতর কেন ? বছরে একদিন
ষষ্টি-বাটায় খাণ্ডী মিষ্টি—বস্ ।

চমৎ । তুমি যখন বিয়ে ক'রবে, দেখো যেন খাণ্ডী টাণ্ডী
না থাকে ।

ঘনে । (সহাস্ত্রে) হাঃ—হাঃ—হাঃ আমায় আবার কে বে ক'রবে ?
হরিবোল হরি !

চমৎ । ● কি সাহেব-বাড়ী হরিবোল ?

ঘনে । মামা আমার ভেমন সাহেব নয় ; হরিবোল শুনে horrible
মনে করে না ।

চমৎ । তোমার বে হবে—দেখো ।

ঘনে । এ মৃত্তিকে বে ক'র্বে এমন বেহায়া মেয়ে আছে নাকি ?

চমৎ । তুমি আর আমার সঙ্গে কথা কোয়ো না ।

ঘনে । (ভীত ও অপ্রস্তুত) কেন তোমায় কি—কিছু ব'লেছি ?

চমৎ । তোমার মত এক্টেরের অভিনয় দেখবার উচ্ছে ছিল, তা তুমি ত টাকা রাখবার লোক না জুটলে থিয়েটার ক'র্বে না, অথচ বে না ক'র্বে তুমি টাকা রাখবার লোক পাবে কোথেকে ?

ঘনে । কেন ? যদি কেউ আমায় পোষে ? বাঁদর কি কেউ পোষে না ? তা ছাড়া কত মেয়ে লোক কুঁজো, কানা, বাওন, খোঁড়া পুষে রাখে ; তারা ভিক্ষে ক'রে যা পায়—তা থেকে তাদের খাওয়ায় ।

চমৎ । আপনি নিজেকে এত ছোট করেন কেন ?

ঘনে । এই তুমি আমাকে আপনি আপনি বল - কিন্তু আমি তুমি তুমি বলি, তাই, না ?

চমৎ । অবাক ! আমি তাই ব'লছি বুঝি ? এই পুষ্বে, বেতে দেবে—এই সব ব'লে নিজেকে ছোট কর কেন ?

ঘনে । তোমাকে ছাড়া কোন্ জন্মে কাকে ব'লেছি ? মামী-মা তো এখানে থাকতে বলে, তা—তা—

চমৎ । থাক না কেন ?

ঘনে । এমন সাজানো গোছানো ঘর, বড় লোক সব আসে, আমি একটা—

চমৎ ! থামলে কেন ? তুমি একটা কি ?

ঘনে । জানোয়ার ।

চমৎ । না, তুমি জানোয়ার নয়—মানুষ ; অনেক মানুষের চেয়ে বড় মানুষ ।

ঘনে । বড় মাপুষ, হাঁ—হাঁ—হাঁ— ! আমার মেয়েটা পাগল ।

চমৎ । আর তোমারি বৃষ্টি খুব মাথা ঠিক !

ঘনে । আমি বিচ্ছিরি পাগল, আর তুমি—

চমৎ । আমি কি ?

ঘনে । সুন্দর পাগল ! কিছু মনে করো না বলে কেঙ্গেছি ।

চমৎ । গান দাও নি ত' তাতে দোষ কি !

ঘনে । সুন্দর বলে তুমি রাগ করো না ! তাহ'লে—খুব বল্ব ।

(আবৃত্তির ভঙ্গিতে হস্তাদি বিক্ষিপ্ত করিয়া) কে বলে সুন্দর চন্দ্র গানের গায়ে, সুন্দর কে বলে পদ্ম সরসী মলিলে, কে বলে শাখার শোভা কুটম্ব গো—লা—

চমৎ । (উচ্চহাস্যে) চূপ্-চূপ্- আমি বুঝেছি, বুঝেছি ।

ঘনে । ওঃ, সুন্দর বল্বতে মনে প'ড়ে গেল ; তোমার জন্মে একটা জিনিস এনেছি—(পকেট হইতে একটা ছোট গুটানো কাগজ চমৎকারের হস্তে প্রদান করিয়া) দেখ—চমৎকার ছবি ।

চমৎ । (দেখিতে দেখিতে) এ কার ছবি ? ঘনে—(মনোযোগের সহিত নিরীক্ষণ করিয়া) আঁকল মা'র মুখ—পাছতলার ব'সে তপস্বিনীর বেশ ! মা'র এ ছবি তো আগে কখন-ও দেখি নি ; তুমি এ কোথায় পেলেন ?

ঘনে । লীলা-মার সঙ্গে দেখা ক'রতে গেছলাম না ।

চমৎ । লীলা-মা ?

ঘনে । লীলা-মাকে চেন না ? আমার সঙ্গে অত ভাব । কারবারে লোকদান হ'য়ে যাবার আগে বাবা রাজনবাবর মানেদ্বার ছেল ত', তাই তার মেয়ে আমার লীলা-মা হ'লো না ?

চমৎ । ওঃ, তা' জান্তুম্ না ।

ঘনে । লীলা-মা বাড়ী ছেল না ; সীঁড়ির নীচে কাগজটুকু
প'ড়েছিল, খুলে দেখি ছবি ; তোমায় দে—দে——

চমৎ । বেশ ক'রেছ ; মনে থাকে যেন আমায় লুকিয়ে দিলে ।

(বনেশামের ঠোঁটের উপর একটি অঙ্গুলি রাখিয়া ইঙ্গিতাভিনয়)

হঁ ! এখন আমি ভেতরে——

ঘনে ! (আশ্রয়তার আদরে) তুমি রাঁধতে জানো ?

চমৎ । কেন তোমার ধিদে পেয়েছে ?

ঘনে । চিধর ঠাকুর রাঁধে বেশ ; কিন্তু মা ম'রে অন্ধি আপনার
লোকের রান্না——

চমৎ । আমি আবার তোমার আপনার লোক হ'লুম কেন থেকে ?

ঘনে । তা ঠিক, ভাগাবণ্ডের আবার আপনার——

চমৎ । রাঁধতে জানি না জানি পরে বলুন । আপাততঃ আমি
বাঁধতে জানি ।

ঘনে । কি, কি বাঁধবে ?

চমৎ । তোমার জন্তে একখানি ঘর ।

ঘনে । দেশে ? হা—হা—হা ! তা—তা—তা—

চমৎ । এস এখন কিছু খাবে ত' এস ।

(উভয়ের প্রস্থান)

(চৌধুরী মহাশয় ও মিঃ রায়ের প্রবেশ)

চৌধুরী । কুচ্ কাওয়াজ্ লড়্ হাই তোপ্ কা আওয়াজ্কে বিচ্-মে
জোয়ানী গুজর্ গয়, আব্ বুড্ হে হো চলে, জরা——

রায় । একটু আরাম একটু শান্তি পেতে ইচ্ছে করেন ? নিশ্চয়—
নিশ্চয় ; তা ছাড়া আপনি কে ? কি মহান্ ! আমার প্রতি
আপনার——

চৌধুরী । থাম পুষ্প, থাম; তোঁর বাঁবা সংস্কৃত মমস্কৃত আমি
স্বামি নি; উর্দু পাণির ভেতর একটু আধটু বর্ষার খোঁচা আছে । বাংলা
ধেন একদম আলিগড়ের মাধন ।

রায় । না না উনি যদি এ রকম সব করেন তাহ'লে এখানে
থাকা...মিনি খুব সুখী হবে মনে ক'রে-ই——

চৌধুরী । বোমা আমার পাকে কোটা পদ্মফুল । বাপের-বাড়ীর
মা আর জামাই-বাড়ীর মা যে কত তফাৎ তা মা লক্ষী আমার
জানেন না ।

(মিসেস্ লাহিড়ীর প্রবেশ)

লীলা । মিষ্টার রায় একলা আছেন ত', না——

চৌধুরী । ও বেটী আমি—আমি তোঁর মামা । একজন “কই
হ্যাঘ নেই” এর মধো ।

লীলা । ওঃ মামা, তা আপনি সব জানেন ।

রায় । এনেছেন নাকি ?

লীলা । ই্যা, মিনি কাপড় বদলাতে গেছে, সেই সুযোগে——

রায় । এই দিকে আসুন ;——জ্যোঠামশায়-ও আশুন ।

(আবরকের অন্তরালে গমন)

(সম্মুখের দিকে একান্তে মিসেস্ পাক্‌ডাশীর প্রবেশ

ও স-সঙ্গী রায়কে দেখিয়া)

পাক্ । (আশ্চর্য) বটে ! আমার দশদিকে দশটা চোখ জানো
না ! সেই মেয়েটা ।

লীলা । (অপরাহুতে) এই বেলা নিয়ে লুকিয়ে রাখুন ; মিনিকে
আমার জন্তে একটা পুরোনো লেসের প্যাটার্ণ খুঁজে দিতে ব'লেছি,
ইঠাৎ এসে পড়বার ভয় নেই ।

পাক্ । অ—সকলনাশ, অ—সকলনাশ, নাথা ধেয়েছে !

রায় । তুমি যেমন চতুরা সব কাজ-ই তেমনি সুন্দর ।

পাক্ । Wretch ! পাজি ! পাজি !

লীলা । এই দেখুন দিকি ছবি থানি (হস্তে প্রদান করিয়া)
উদাসনয়নে ঠিক শকুন্তলা যেন দুঃস্বস্তের চিত্রায়—আপনি-ই সেই
দুঃস্বস্ত । চির জীবনের প্রণয়ের উপহার !

পাক্ । এত সাহস ! এত স্পর্ধা ! কি বলিবো সত্যতা শিখোঁচ
নইলে ছুঁড়ীকে এখন-ই কোঁটিয়ে—

চৌধুরী । আমি একবার দেখি (ছবি গ্রহণ করিয়া) বাঃ, বাঃ !
ক্যায়া উমদা তস্বীর, ক্যায়া যোগনী বনা ! দেহোলকা কারিগর তি
হাতীকা দাঁতপর এইসে খুপস্বরং—; (চিত্র প্রত্যাৰ্পণ করিয়া) কিন্তু
সাবধান বাবাজী, তোমার খাণ্ডা ঠাকুরগ যেন টের না পান তা হ'লে-ই
মেয়েকে ব'লে দেবেন ; তোমার এই জন্মদিনে একটা—

পাক্ । অ—বুড়ো, তুমি-ও আছ এর মধ্যে ! এই বয়সে এই
ঘটকালী !

লীলা । এখন আমি বাই, মিনি এসে পড়বে ।

পাক্ । মিনির বাবা—না না মা এসেছে, টের পাওয়াচ্ছে
তোমায় ।

রায় । চলুন গাড়া রয়েছে । আপনাকে তুলে দিয়ে আমি ; কিন্তু
যে সময় দেখা দেবার কথা আছে—

লীলা । কিছু ভাববেন না, আমি ঠিক হাজির হব ।

(মিঃ রায় ও মিসেস্ লাহিড়ীর পশ্চাৎ দিক দিয়া প্রস্থান)

পাক্ । পাজীর বেহদ ! পাজীর বেহদ ! লুকিয়ে দেখাওনো
কবুবার কথা পর্যন্ত ঠিক ! গোলায় গেছে—ছুঁড়ী গোলায় গেছে !

চৌধুরী । যাই আমি-ও একটু লনটার (lawn) দিকে বেড়াই ।
বেহান্ ঠাকুরণী পাগল, সে বিষয় সন্দেহ নাই, তবে—

(বলিতে বালিতে পশ্চাৎ দিক দিয়া প্রস্থান)

পাক্ । (অগ্রসর হইয়া) ছি—ছি—ছি ! কি কেলেকার ।
কি কেলেকার ! বাড়ীর ভেতর নিজের জ্ঞা র'য়েছে—আর লুকিয়ে
লুকিয়ে—এ্যা—এ-কি ! প্রথমে দেখ'বামাত্র-ই ছুঁড়ীটার ওপর আমার
সন্দেহ হ'রোছিল ; কিন্তু এতটা—এতটা—এ স্বচক্ষে না দেখ'লে আমি
বিশ্বাস ক'রতে পার্ত্তুম না ।

(সম্মুখ দিয়া মিনির প্রবেশ)

পাক্ । (মিনির গলা জড়াইয়া) ও ডিয়ার—ও ডালিং—ও
চাইল্ড্—

মিনি । মা ! মা !

পাক্ । মিনিরে, মা রে—বুক গেল রে, বুক গেল !

মিনি । বসো মা, বসো বসো ; কি হ'ল দোখ বুকে !

(মাকে লইয়া সোফায় উপবেশন করিলেন)

পাক্ । সে বুক না রে, সে বুক নয় ! Chest, Art, Artari.

মিনি । কোথা থেকে কি কোন ছুঃসংবাদ এসেছে মা ?

পাক্ । ছুঃসংবাদ কি মা, ছুঃসংবাদ কি ! দুর্ঘটনা—চোখে দেখেছি ।
তো'র সর্কনাশ ক'রেছি মিনি, সর্কনাশ ক'রেছি ।

মিনি । কি কিছু ভেঙে টেঙে গেছে নাকি—মিনিস্ পস্তর—
হঠাৎ— ?

পাক্ । ভেঙেছে রে ভেঙেছে—কপাল—তো'র আমার ছ'জনের-ই !
Mother forehead daughter forehead একসঙ্গে together
break down —

মিনি । কি হ'য়েছে মা, খুলে বল ।

পাক্ । যার হাতে তোমায় তুলে দিইছি গো, যার হাতে তোমায় তুলে দিইছি...এমন বদমায়েস্ চোর জোচ্চর—

মিনি । (সরিয়া গিয়া দাঁড়াইয়া) মনে রেখো মা, মনে রেখো আমার স্বামী ! মাতৃভক্তি আমায় পতিনিন্দা শুনতে বাধ্য ক'রতে পারে না ।

পাক্ । অ—বাধ্যময়ী. অ—বাধ্যময়ী ! হও মা—যথাসাধ্য বাধ্য হও, আর ভক্তিতে কাজ নেই, আমায় মুক্তি দাও, আমি বিদেয় হই । বেশ ছিলুম, তারা আমার খুব take care নিতো ; শিলংএ বেশ ছিলুম, আর কত ইয়ং ম্যান্—

মিনি । কে তোমায় ব'লেছে কি ?

পাক্ । আমি লেডী হ'য়ে,—লেডী ! ছোট খাটো সতী কতী নই, লেডী ! স্বচক্ষে দেখ্‌লুম্ কিনা... । তখন সাবধান হওয়া উচিত ছিল । হাট্-ই পক্ক্ আর কাঁটা ধ'রে'ই পাক্, আমি গোড়াতে-ই সন্দেহ ক'রেছিলুম ওর হিঁদুয়ানীর দিকে টান আছে— ।

মিনি । থাকলে-ই বা ; বাপের বাড়ীতে আমার ধর্মের নাম-ই ছিল না ।

পাক্ । তাতে-ই বেঁচে গেছ্‌লুম্ । যেখানে-ই ধর্ম্ সেখানে-ই অপকর্ম্ । তার ওপর হিঁদু ! জেলের Extra Caustic দেখ্‌ গে যত চোর যত জোচ্চর মিথ্যাবাদী ভাকাত সব হিঁদু ; তার নীচে মোচলমান, তার নীচে বোষ্টম । পোয়েটিক্যাল মাম্‌লায় হুঁচার জন বেস্ম-ও থাকতে পারে । কিন্তু বাঙালী-সাহেব একজন-ও জেলে নেই ।

(চৌধুরী মহাশয়ের প্রবেশ)

চৌধুরী । সব বাইরে !

পাক্ । (দ গায়মান হইয়া) নিকাল যাও, নিকাল যাও ।

চৌধুরী । Halt !

মিনি । কাকে কি বল মা, কাকে কি বল ?

পাক্ । Mean !—wretch ! তুরাচার, নৃসিংহ পাপরকে—ও নিজে
দাঁড়িয়ে সেই মেয়েটার সঙ্গে পুষ্পর—

চৌধুরী । রাইট-এবাইট-টার্ণ । ভয়ানক গোল পুষ্প, ভয়ানক—

(বলিতে বলিতে দ্রুত প্রস্থান)

মিনি । কি—কি ? কোন্ স্ত্রীলোক ? মেয়ে কে ?

পাক্ । তোমার সখী গো সখী, আদরের সখী ! ইস্কুলের খেলুনী ।

মিনি । লীলা ! লীলা ক'রেছে কি ?

পাক্ । লীলা যা করে তাই ক'রেছে ; কেটে-লীলে ।

মিনি । স্পষ্ট বল মা ।

পাক্ । আবার কত পষ্ট ব'লবো ! নষ্ট—নষ্ট—নষ্ট ! আমি কি অত
শত জানি, ঘরটা একটু গোছাব ব'লে আস্চি ; দেখি কিনা ওই পার্টিসনের
আড়ালে দাঁড়িয়ে, সেই মেয়েটা, পুষ্প আর অই বুড়ো হতভাগা—তিন জনে
ফিসির ফিসির হাসি, আর—তোমার সামনে সব ব'লতে পারি নি । তারপর
সেই বেহারী পুষ্পর হাতে একখানা ছবি দিলে ; ছবি পেয়ে তোমার স্বামীর
ষে আহ্লাদ ! সে হাসি আর ধরে না—ছবিখানা বুকে মুখে ঠেকালে ।

মিনি । ছবি ! কার ছবি ?

পাক্ । আবার কার ? মিনি দিলেন তাঁর নিজের । আর ঐ বুড়ো
এর তলে তলে আছে ; মুখপোড়া হিন্দি-ফিন্দি ক'রে খুবস্বরং চেহারা
টেহারা কত কি ব'লতে লাগ্ লো ; ঘটকালীটা দেখ না !

মিনি । (চিন্তিতমনে) ওঃ ! তাই—তাই—

পাক্ । (বিনায়ে বিনায়ে) কি তাই মা, কি তাই -

মিনি । দু'তিন দিন যেন ———

পাক্ । (বিনায়ে বিনায়ে) বলতো মা, বলতো ।

মিনি । আমার কাছে কি যেন একটা লুকিয়ে লুকিয়ে রাখছেন ; আজ-ও সকালে ব'লেছেন আমি কিছু গোপন ক'ল্পে যেন রাগ ক'রো না ।

পাক্ । (ত্রৈ) অঃ—অঃ—অঃ—ই—মা ! তোমায় আমি মানুষ ক'রেছি, সরল লোক আমরা, অত ঘোর প্যাচ্ কি তুমি বুঝতে পার !

মিনি । আর লীলা-ও বোধঃ হয় আড়ালে ছবিখানা দেবে ব'লে আমাকে একটা লেশের প্যাটারনের ছতো ক'রে ড্রয়ার গুলো খোঁজালে !

পাক্ । (ত্রৈ) তাতো জানি নি—তাতো জানি নি ; উঃ ! স্ত্রীলোকের স্বভাব নষ্ট হ'লে—

মিনি । লীলা ! আহা, আমার আপনার বোন নেই, লীলাকে যে আমি বোনের চেয়ে-ও ভালবাসি ! আর আমার স্বামী ! এই যত্ন—এই স্নেহ—অমন হৃদয়বান, চির প্রফুল্ল——

পাক্ । অই ! প্রফুল্ল মা, প্রফুল্ল ;—যেখানে-ই ফুল্লো সেখানে-ই মোলো ।

(মিঃ রায়ের প্রবেশ)

রায় । এই যে মিনি ; তোমায় খুঁজতে আমি সেই তেতালা অব্ধি ছুটে ছিলাম ।

মিনি । যাক্,—আর খুঁজতে হবে না । (অস্তরে অপসরণ)

রায় । কেন ? কি হ'য়েছে আমার লক্ষ্মী ? (মিনির নিকট গমন)

পাক্ । লক্ষ্মী ! এত অপমান ! লক্ষ্মী ! আমার মেয়ে এক রেক্ ধান্ !

রায় । কেন রাগ ক'রেছ হাসি আমার ?

মিনি । (অতি অভিমানে) জিজ্ঞেস্ কর আপনার মনকে । তুমি এমন—তোমাদ্ আমি— —

পাক্ । যাও মা, যাও, ওপরে যাও ।

মিনি । (সরোদনে) ছিঃ—ছিঃ আমার স্বামী ! সবাই ধার প্রশংসা করে, আমার সেই স্বামী———

(প্রস্থান)

রায় । কিছু-ই তো বুঝতে পারছি না ; এর মধ্যে কি হ'ল ! (মিসেস পাক্‌ডাশীর প্রতি) আপনি এর কিছু বুঝিয়ে দিতে———

পাক্ । বুঝিয়ে দিতে নয়. তোমার সঙ্গে আমাদের এখান একটা বোঝাপড়া হওয়া চাই, তা না হ'লে———

রায় । মন্দ নয় ; একটা হোক বোঝা পড়া । (নেপথ্যাভিমুখে) জ্যাঠামশাই, একবার এদিকে অগ্রহ ক'রে আসবেন ।

(চৌধুরী মশায়ের প্রবেশ)

চৌধুরী । এই যে বাবা, তোমার কাছে-ই আছি ।

রায় । (মায়ের প্রতি) দেখুন, আপনার কণ্ঠকে বিবাহ ক'রে আমার সুখের-মাত্রা পূর্ণ হ'য়েছিল । মিনির মতন স্ত্রীকে যত যত্নে, যত সুখে, যত গৌরবের ঐশ্বর্যে সাজিয়ে রাখতে হয়, তার মত সঙ্গতি আমার নাই সত্য ; কিন্তু চির-হাস্তময়ী মিনি আমার কোন বিষয়ে কখন-ও অসন্তোষ প্রকাশ করে নি । শান্তির ছায়ায়, স্বচ্ছলের সন্তোষে, সুখের আলাপে আমাদের সংসার-তরণী শ্রোতের মুখে চ'লেছিল ; আর এই বালক-স্বভাব প্রাচীন, দেবতার মত———

পাক্ । উপদেবতা—উপদেবতা ।

চৌধুরী । “উপ” টার ওপর ব্যানের আমার বিশেষ দৃষ্টি দেখছি ।

রায় । কিন্তু কি কুক্ষণে আজকের রাত্রি প্রভাত হ'য়েছিল ! বেরোবার সময় বাধা প'ড়লো,—হ্যাঁ, যে যা বলে ব'লুক, আজ থেকে আমি বাধা মানবো । যেই আপনি এ বাড়ীতে প্রবেশ ক'রেছেন, সেই

অশুভ মুহূর্ত্ত থেকে আমাদের সোনার সংসারে প্রেতের নৃত্য আরম্ভ হ'য়েছে ! সারা বছরের সুখের ঘর-কন্না ঘণ্টা কয়েকের মধ্যে ছরছাড়া হ'য়ে গেল ! আপনি,—আমার বাপের চেয়ে উপকারী, হাজার হাজার টাকা দিয়ে বিদ্যে শিখিয়ে উপকারী, চৌধুরী মশায়কে বাড়ী থেকে বেরিয়ে যেতে ব'লোছিলেন । আমার ভৃত্যেরা মিত্রের মত সংসারে কাজ করে, কিছুমান্ব অপচয় হয় না, তারা আমাকে ছেড়ে চ'লে যেতে চাচ্ছে । মনস্ত ঘরের সাজ সরঞ্জাম যেন ওলট-পালট হ'য়ে গেছে, তবু আপনি মিনির না—তাই নাচ ক'রে—

পাক্ । নাচ ? তোমার আবার নাচ ! আমার কন্নাতে তার বাড়ীতে ব'সে অপমান !

রায় । অপমান ! মিনিকে অপমান ! জ্বোঠামশায় কিছু বুঝতে পারছেন ?

চৌধুরী । আমার নানময়ী বেহান্ ঠাক্কণ যে ওজনে সাড়ে তিন নণ এ ছাড়া আমি কিছু—

পাক্ । খুলে ব'লবে তবু ? আমি সব দেখেছি, সব দেখেছি, স্বচক্ষে দেখেছি । আমি এখানে থাকলে তো ও-সব চ'লবে না, তাই আমায় তাড়াতে চাচ্ছ ।

রায় । তাড়াবার কথা কেউ বলে নি ; তবে আমি একটু শান্তি ভালবাসি, গোলমাল বিচিবিচি বরদাস্ত ক'বুতে পারি না, কিন্তু আপনি এখন থেকে-ই এসেছেন তখন থেকে-ই—

পাক্ । তোমার রীত চরিত্র বুঝতে পেরেছি, কেমন ? আর চিনেছি সকল নষ্টের মূল ঐ বুড়ো—

চৌধুরী । ছেড়ে দিন ব্যান্, ছেড়ে দিন ; আমার না জড়িয়ে কি আপনি কোন কথা কইতে পারেন না ?

পাক্ । কিন্তু এখন আমি এসেছি—আর ও-সব চ'লবে না ব'লে দিচ্ছি । গেছলো—আমি না এসে প'ড়লে মেয়ে আমার গিয়ে ব'সেছিল । এই ব'লে দিচ্ছি, আমি কক্ষোনা—কক্ষোনা—কক্ষোনা এখান থেকে ন'ড়বো না ; আর মেয়েকে ফেলে কোথা-ও যাব না ।
(নেপথ্যাভিমুখে) মিনি, মিনি, মা আমার !

(মিনির প্রবেশ)

মিনি । কেন মা আমার ?

পাক্ । শোন্—শোন্, নিছের কানে তোর মার অপমানটা শোন্ ; তোর বাড়া থেকে তোর স্বামী আমার দূর হ'য়ে যেতে ব'লছে । তবে আয় মা, আয়, দু'টা অনাথ শিশুর মত আমরা দু'জনে বনবাসে যাই ।

রায় । (সরোষে) কি মিথ্যে কথা ! কি মিথ্যে কথা ! আর আমার ধৈর্য থাকবে না ! কখন আমি আপনাকে যেতে ব'লেছি ?

পাক্ । মারতে বন্, মিনি, মারতে বন্, চাবুক আন্তে বন্ ; খালি গালা-গালে আমি বেরোবো না ।

মিনি । আর মাকে কেন, উনি কি ক'বেছেন ? যঃ পার প্রবঞ্চনা আমার সঙ্গে কর, আমার জীবনে বিব তেলে দাও—

রায় । কিন্তু মিন্, আমি কি প্রবঞ্চনা ক'বলুম । কি বিষ তেলে দিলুম ! আমি এমন কোন কাজ করি নি—

পাক্ । কেমন মা এখন বিশ্বাস হ'ল ? আমি চিরকাল ব'লি নি যে পুরুষেরা ভুলে সত্যি কথা ব'লতে জানে না । ওদের মত বিশ্বাসঘাতী আর নেই ।

রায় । (সকাতরে) জগদীশ্বর ! আমায় রক্ষা কর, আর সহ্য ক'রতে পারি না ।

পাক । তা কিন্তু ব'লছি মা, পুষ্প এমন ছিল না ; ঐ আধ-খোটা
বুড়োর সঙ্গ-দোষে-ই ---

চৌধুরী । “দাম্পত্য কলহেচ্চয় মধ্যবর্তী মারা যাওয়েৎ”

পাক । ওঁ! এই বয়সে এই পাপ কাজে—ধিক্ ধিক্ । ঐ
শোনের হুড়িতে আলকাতরা মেথো, আলকাতরা মেথো ।

মিনি । (চৌধুরীর প্রতি) আপনার লজ্জিত হওয়া উচিত ।

চৌধুরী । নিশ্চয় মা । যদি-ও পাঞ্জাব অঞ্চলে লজ্জা-টজ্জার বেশী
চলন নেই, তথাপি আমি লজ্জিত হ'তে প্রস্তুত আছি, যদি বেয়ান্
ঠাকরণ কৃপা ক'রে লজ্জার কারণটা ব'লে দেন ।

পাক । আর একটা পবিত্র দিনে—নিজের জন্মদিনে—

মিনি । জন্মদিন ! কার জন্মদিন ?

পাক । তাও বুঝি তোমায় বলে নি ? পুষ্পর নিজের-ই জন্মদিন !
আমি শুন্তে পেয়েছি ।

রায় । (স্বগতঃ) এই দিলে গোল ক'রে ।

মিনি । (নতমুখে) তোমার জন্মদিন ! অভাগীর শুভইচ্ছা যদি
তোমার অগ্রাহ না হয় তা হ'লে শত স্থখের এইরূপ শুভদিন তোমার
জীবন পুলাকিত করুক । দাসীর এই কামনা ।

(মিসেস্ লাহিড়ী ও ভাদুড়ীর প্রবেশ)

লীলা । কেমন ঠিক সময়ে এসে উপস্থিত হইছি ত' ? আর
এই লকা ফুলের মধুর বোতলটিকে-ও গেটের কাছে পেলুম ।

পাক । সেই পাপ ! সেই পাপ ! আয় মা আয়, পালিয়ে আয়
এ নরক থেকে । চল্ রায় লক্ষণের মত আমরা দু'জনে বনে চ'লে
যাই ।

(মিনি ও মিসেস্ পাকডালীর প্রস্থান)

চৌধুরী : (চেয়ারে বসিয়া) হুয়ান কিন্তু আপাততঃ কিঙ্কিহ্যাত্তে-ই
রইলেন ।

রায় । না—একটা কাণ্ড ঘটালে ! কি হ'য়েছে, মিনিকে এখনি ভাল
ক'রে জিজ্ঞেস্ ক'রতে-ই হবে ।

(মিঃ রায়ের প্রশ্নান)

লীলা । কি হ'ল কি ? আমাদের দেখে উনি মিনিকে অমন ক'রে
টেনে নিয়ে চ'লে গেলেন কেন ? নিশ্চয়-ই কোন একটা কাণ্ড—

ভাহুড়ী । আর কি কাণ্ড ! তুব্‌ড়ী ফুটেছে ।

লীলা । তুব্‌ড়ী ?

ভাহুড়ী । এই কেউ কেউ আগে থাকেন তুব্‌ড়ী তার পর বিয়ে হ'লে-ই
তুব্‌ড়ী ; কোথেকে উড়ে এসে একটা আগুনের ফুল্‌কি লাগার অপেক্ষা ।

লীলা । নারী-নিন্দায় কি আপনার এত আনন্দ ?

চৌধুরী । নিন্দা নয় মা, নিন্দা নয় ; তুব্‌ড়ী না হ'লে কি দেওয়ালীর
মজা জমে ? যেমন আগুন ছোট্টে তেমনি ফুল-ও কাটে । (পকেট-ঘড়ি
দেখিয়া) ওঃ, আমার যে আফিং খাবার সময় হ'য়ে গেছে ।

(চৌধুরী মহাশয়ের প্রশ্নান)

ভাহুড়ী । (পশ্চাতে যাইতে যাইতে) হ্যা—হ্যা—আমার-ও—আমার-ও
—আমি-ও যাব—আমি-ও যাব ।

(প্রশ্নানোত্ত)

লীলা । কোথায় যাচ্ছেন, আপনার আবার কিসের সময় হ'ল ?

ভাহুড়ী । এই—এই আফিং খাবার ।

লীলা । আফিং ?

ভাহুড়ী । সত্য, আমি তো আফিং খাই না—একটু পেঁপে খাবার—
পেঁপে—না না - বেল, বেল—

লীলা । আমি আছি ব'লে এখন থেকে পালাতে চাচ্ছেন বোধ হয় ?

ভাহুড়ী । না না শ্রীধরকে ব'লে এসেছি চুলটা ছাঁটবো—তাই, তাই—

লীলা । (সহাস্তে) শ্রীধর ঠাকুর চুল ছাঁটবে ! বসুন ত' চূপ ক'রে ঐ সোফায় ।

ভাহুড়ী । তা—তা—এখন ব'সে—ঘাই একবার পুষ্পকে—

লীলা । বসুন ব'লছি ।

ভাহুড়ী । (স্বগত) সেই তেজ-ভরা চোখ, হকুম মাখানো আঙুল ।

(সোফায় উপবেশন)

লীলা । আপনার কি হ'য়েছে বলুন তো !

ভাহুড়ী । এই—এই ইনফুয়েঞ্জা, না না. Infantile Liver—

লীলা । না, আপনার হ'য়েছে Jaundice—নেবা ।

ভাহুড়ী । এ-নেবায় আমার শূণ্ড ঘরে সোনার রং মাখিয়ে দেয় !

লীলা । যক্ষের চক্ষে সোনা-ই সর্কস্ব ; ঘরে ঘরনী না থাকলে কি লক্ষ্মী-শ্রী হয় ?

ভাহুড়ী । লক্ষ্মী-ও যত ঝাঁকি-ও তত,—তার ওপর এই ঝগড়া ঝাঁটি—
ভাবনা চিন্তা—

লীলা । স্নেহের সাঙ্ঘনা, যত্নের মাধুর্য, প্রেমের ঐশ্বর্য—

ভাহুড়ী । ছেলে পুনের গোল—

লীলা । ফুটন্ত ফুল ভরা কোল । ও সব পাগলামী ছেড়ে বিবাহ করুন, সুখী হোন ।

ভাহুড়ী । বিবাহ—আবার—তোমার মুখে !

লীলা । ই্যা আমার মুখে । বাবার এত-ই কি দোষ ! কেন আপনি কলেজ ছেড়ে দিলেন ?

ভাহুড়ী । দেশের জন্তে, সে একটা মনের আবেগ,—impulse !

লীলা । Impulse আবেগ টাবেগ গুলো কি আপনার একচেটে ?
অভিমান ক'রে-ই তো বাবা আমার অন্তত বিবাহ দিয়েছিলেন ।

ভাহুড়ী । (স্বগত) পালা, পালা জটে, নইলে বামুনের ছেলে এখুনি
মারা প'ড়'বি দেখ'ছি— (প্রস্থানোচ্চত)

লীলা । কোথায় যাওয়া হচ্ছে ? না অন্তর্মতি নিয়ে একজন মেডীন
কাছ থেকে—

ভাহুড়ী । এই চুলটা ছেঁটে—না না তামাকটা থেয়ে—এই পুস্পকে
একটা কথা বলে আস'ছি. আস'ছি ।

(প্রস্থান)

লীলা । অভিমান—বড় ব্যথা—একলা-ই কি গুর !—

গীত ।

সে যে ব্যথা পেয়ে কোথা, হ'য়েছে কেমন !

সবস হৃদয় শুধায়ে অমন ॥

কে বুঝি বুঝিয়ে নিজ স্বার্থ,

ভালবাসা গো ক'রেছে ব্যর্থ,

হতাশায় তাই, কুয়াশায় ঘেরা মন ॥

তাই, হেম-প্রেম-তীর্থ-বাসী,

আহা, হেন হ'য়েছে উদাসী,

নারী নামে যেন অতি ছালাতন ;—

মনে ওঠে সঙ্গী কথা পুরাতন—

কথা পুরাতন ॥

(প্রস্থান)

(চমৎকারের প্রবেশ)

চমৎ । কি সুন্দর ছবিগানি ! গাকে যে লুকিয়ে দেখাব এর আর
 সুযোগ পাচ্ছি না । গাগো, কি গংগোল চ'লছে এই বাড়ীতে বড়ী এসে
 অব্ধি । এ সাজন-গোজন জাঁক-জমক — কিছুনা কিছুনা ! এই বিত্তের
 বড়াই, বিষয়ের লড়াই, শিক্ষা, সভ্যতা, রূপের গর্ব সব মিছে—মিছে ! দূর
 পাড়াগাঁয়ে একখানি চালা ; উঠানে একটা বক, স'জুনে শিউলি, গোটাকতক
 কেষ্টকলি, দৌবুটি ; গাচায় লাউ, পুঁঠ, সীম ;—আর একজন আমার
 জন্তে খাটে আমি তার জন্তে খাটি — কে জানে সে কেমন ! আশ্চর্য্য মানুষ
 এই ঘ—মার ভাগ্নেটী—

গীত ।

নাহি বিদ্যা—নাহি দর্প ;

নাহি চাটে—নাহি সর্প ;

নাহি শিরে বুদ্ধি,

হৃদে আছে শুদ্ধি ;

নাহি ধন রত্ন, জানে মেহ বহু

সরল তরল প্রাণ ।

কণ্টকে লুকানো কেতকী কুসুম

সুখালে সুপ্রাণ ॥

কুপার আদরে

হাসি সে অধরে ;

হৃদয়-আধারে সারা ধরণী নিদ্রাণ,—

নিজে হেসে পায় উপহাসে পরিত্রাণ ॥

জন্ম তো আমার উদ্ভবংশে ; তবে ছেলে বেলা যা বাপ হারিয়ে অনাথিনী
—দাসী ! ইস্ দাসী কিসেন্ন ! আঁগি গার, অমন সোনার মা'র মেয়ে !

(চৌধুরী মহাশয়ের গাহিতে গাহিতে প্রবেশ)

গীত ।

একি কা'র কাল মেয়ে খেয়ে এসে নাচে অই রণে ।

আলু খালু বসনা, লকলকু বসনা,

করে রণ ঘোষণা ঘন গরজনে ॥

করে অসি বালুমল

ধরণী টল মল

হেরে দানব মানব সভয়ে ধূসর-বরণে ॥

চমৎ । পায়ে পড়ি মশাই, ও-গানে কান্ত দিন ! যে রণ বেধেছে, তার
ওপর আর রণ-রঙ্গিনীকে ডেকে —

চৌধুরী । তাই ব'ল্ছিলাম চম্চম্, চল্ এই লাক্সা হাক্সামা থেকে আমরা
ছ'জনে স'রে পড়ি ।

(সুরে) আয়ীহো সিপাহীন

ছোড়ুক লম্ লম্ ।

কোঠী যে কেজিয়া

চলে হো রম্ রম্

আও মেরি চম্ চম্ মেরী চম্ চম্ ।

বাজায়ে পায়জর চলো বম্ বম্ ॥

চমৎ । (সুরে) ওং পেতে ব'সে আছে যেথা নিজে বস ।

কলেরা কালাজ্বর ম্যালেরিয়া মনোরম ॥

চৌধুরী । বালাই বালাই ; আমার ডবল পরমাণু তোমার হাঁক ।
আর বনের — তার তো চাকরী ঘায়-ঘায় ।

চমৎ । কি রকম ?

চৌধুরী । লেখা পড়া শিখে-ও এ জান না ? দিন দিন বিজ্ঞানের
উন্নতি হ'চ্ছে যে রকম তা'তে আর বনকে যক্ষ্মা, জ্বর, বিকার, বাত, পক্ষাঘাত
নিয়ে ঘরে ঘরে ঘুরে বেড়াতে হবে না । তুধ ঘি খেতে খেতে-ই মানুষের
পুষ্ট দেহে রক্ষ প্রাপ্তির সম্ভাবনা ; আর বাকী বারা থাকবে তাদের জন্তে
বারুদ আছে বিদ্যুৎ আছে, গ্যাস্ বিষ, কলের বয়লার, মোটরের চাকা —

চমৎ । খামুন । আচ্ছা, আপনি এ বাবুর ভাগ্নেটিকে ভাল ক'রে জানেন ?

চৌধুরী । জানি না ! বাদশাকে কে না চেনে !

চমৎ । বাদশা ?

চৌধুরী । আরে বহিন্, আমি যে ঘনুকে বাদশা বলি ; ছনিয়ার দুঃখে
যার দৃকপাত নেই সে বাদশা নয় তো বাদশা কে !

চমৎ । ঠিক ব'লেছেন ।

চৌধুরী । ঠিক ! ব্যাপারটা কি ? গুর দিকে একটু দৃকপাত হ'য়েছে
নাকি ?

চমৎ । (ব্রীড়া-সহকারে) যান ।

চৌধুরী । রূপের ডালি তুমি চমি, — — আর ঐ মূর্তি !

চমৎ । তা'তে-ও প্রাণে ছাঁকা ফৃতি

চৌধুরী । (একদৃষ্টে চমির মুখ নিরীক্ষণ করিয়া) চম্—মেরা চম্চম্ ;—
আগ্রেকা রংমহলকা উজ্জ্বলা গওহর ! সাথে কি তোমায় আমি পছন্দ ক'রেছি !

চমৎ । আপনি ঠুঁকে ভাল বলেন ?

চৌধুরী । ভাল ! ঐ বানরটিকে যদি তুমি মানুষ ক'রতে পার—

চমৎ । না ;—মানুষ কি ? দেবতার সেবা আমার সাধ ।

চৌধুরী । সম্ভব । শুনিছি যারা শ্রীক্ষেত্র তীর্থে যায় তারা জগন্নাথের
চাদ মুখ দেখে—

চমৎ । আর আপনাকে আমি কি ব'লে দেখি জানেন ?

চৌধুরী । পূর্বজন্মের সখের খানসামা ।

চমৎ । না । একটা সোনার খোকা, সোনার খোকা : আর আমি—
বুড়ী ঠানদিদি । (পলায়ন)

চৌধুরী । (সুরে) উড়ে গেল পাখী

কি তার সোনার ডানা ছু'খানি ।

চমৎকার তো চমৎকার ! কোন্ লক্ষ্মীর ঘর, কোন্ পণ্ডিতের চণ্ডীমণ্ডপ,
কোন্ কবির মুখে, সুরসিকের বুকে এই ছুঃখের কুহকে গড়া আসমান
তারটি আলো ঢালতে না পারে !

(মেসার্স রায় ও ভাদুড়ীর প্রবেশ)

রায় । আশ্চর্য্য ! আশ্চর্য্য ! এই ভালবাসা ! এই অনুরাগ ! নিজে
গিয়ে এত ভাকাডাকি ক'রলুম একটা উত্তর পব্যস্ত দিলে না ।

ভাদুড়ী । আচ্ছা তুমি তো পাল্লে না : আমি একবার চেষ্টা ক'রে
মিসেস্ রায়কে আলাদা ডেকে জিজ্ঞেস ক'রব ?

রায় । দেখ...তোমার মানটা যদি রাখেন ।

(বেহারার প্রবেশ)

বেহারা । আ—মেরা হিসাব কোঁড়ি—

রায় । যা—যা এখন এখান থেকে ।

বেহারা । মেঝে ঘরুমে চিঠি আদ্য ।

রায় । বিরক্ত করিস্ নি ব'ল্ছি !

ভাহুড়ী । রোনো—রোনো ;—এই বেহারা, মাজিকো—আপ্নে মেম সাহেবকো, সাম্জা ?

বেহারা । আরে মা তে' বাঁড় ভাগা— -

ভাহুড়ী । যাও, আয়াকো কহো, মাকে সেলাম দে, ভাহুড়ী সাহেবকা নাম ।

বেহারা । হাম্কে চোর কহা—কালকাত্তা মহরমে আয়া ছাপড়াসে চোরি কর্নে লিয়ে ?

রায় । যাও, সাহেব যো বোলা, করো ।

বেহারা । সাহেব কা বোলে কা বোলে—

(বলিতে বলিতে প্রস্থান)

রায় । সব মিথা', সব স্বপ্ন !

ভাহুড়ী । বিবাহিত জীবনের সুখ শান্তি brother, বিবাহিত জীবনের সুখ শান্তি !

রায় । পতিতের ওপর আর পদাঘাত করো না জটীল !

ভাহুড়ী । জটীলের নিজের জটে-ই দেখ্ছি টান পড়ে পড়ে হ'য়েছে তা আর পরকে ব'ল্বে কি !

চৌধুরী । আমার কোন কথা বলা উচিত নয় তাই এতদিন বলি নি ; কিন্তু জটীল, এদিকে এত বুদ্ধিমান এত চতুর আর লীলাকে চিন্তে পাচ্ছে না ? এদিকে এস, ভিতরে একটু ঘাই আমরা !

(ভাহুড়ী, রায় ও চৌধুরী মহাশয়দের আবরকের অভ্যন্তরস্থ গৃহে গমন, সম্মুখে মিনি ও চমৎকারের প্রবেশ)

মিনি । (ছবি দেখিতে দেখিতে) ই্যা—তা—এ আমার-ই মুখ ।
কটো পেনে কোথা ? নেগেটিভ্ ত' সব আমার-ই কাছে ।

চমৎ । কি সুন্দর মা, কি সুন্দর ! গাছের বাকলের কাপড়ে, পদ্মের ভাঁটার বালায়, রূপ কি এত বেশী খোলে ? এ রকম ক'রে তুমি একদিন মাজ্বে মা ?

মিনি । আমার মাজ্জ গোজ্জ সব ফুরিয়ে গেছে চমি, সব ফুরিয়েছে মা !—এ ছবি তোমার কাছে এল কোথেকে ?

চমৎ । একজন দিয়েছে ।

মিনি । একজন ?

চমৎ : এই—এই—আপনার সেই— —

(ভাহুড়ী ভিতর হইতে অগ্রসর হইয়া)

ভাহুড়ী । এই যে আপনি এসেছেন ?

মিনি । আপনি ডেকেছেন ব'লে-ই— —

ভাহুড়ী । আমি অল্পগ্রহ বুঝতে পেরেছি । কিন্তু আর একটু অল্পগ্রহ ক'রে যদি এই গোলযোগের কারণগুলো আমার কাছে প্রকাশ করেন ;—দু'জনে-ই আপনারা আমায় বন্ধু ব'লে সম্মানিত করেন, তাই এতটা স্পর্ধা ক'বুছি ।

মিনি । আপনার বন্ধুকে-ই জিজ্ঞেস ক'বলে সব জানতে পার্কেন ।

ভাহুড়ী । তা হ'লে-ই ত' মুশ্কিল । আপনি ব'লছেন তাকে জিজ্ঞেস ক'বতে ;—পুণ্য বলে আমি কিছু-ই জানি না ।

রায় । (অগ্রসর হইয়া) কিছু না—কিছু না—কিছু না ।

ভাহুড়ী : এই দেখুন, আপনি-ও ব'লবেন না, ইনি-ও বলেন কিছু জানি না ;— —

রায় । জানেন সব ঔর মা, — জননী—জননী !

মিনি । আর কেন ? তোমার ভালবাসায় ত' বঞ্চিত ক'রেছ, মা'র একটু ভালবাসা আছে—তা থেকে-ও— । সব মিথ্যে মনে ক'বতে পার্শ্চ ম কার-ও চুকলী ওনুতুম না ; কিন্তু সেই ছবি—ছবি— —

রায় । ছবি ?

মিনি । চ'ম্কে উঠলে যে ? কোন ছবি তুমি হাতে ক'রে নাও নি ?

রায় । নিশ্চয় নিয়েছি ।

মিনি । চির প্রণয়ের উপহার ব'লে, মিসেস্ লীলা লাহিড়ী তোমায় আজ একখানি ছবি দেয় নি ?

রায় । দিয়েছে-ই তো ।

মিনি । উঃ কি লজ্জা, কি লজ্জা ! নিজের মুখে স্বীকার ক'রুছ !

রায় । স্বীকার যে এখনি তুমি করালে ; নইলে আমি তো মনে ক'রে রেখেছিলুম,—জটীলের সঙ্গে জ্যাঠামশায়ের সঙ্গে পরামর্শ-ই ক'রে রেখেছিলুম, যে আজ দিনারের সময় আমার জন্মদিনের উপহার ব'লে সেখানি তোমার হাতে দোবো ।

মিনি । আমার হাতে ! সেই ছবি ! তার ছবি !

রায় । কার ছবি ?

মিনি । ওঃ ! আমায় আর-ও অপমান ক'রতে চাও ? নামটা মুখ দিয়ে বলাবে ! লীলার—লীলার—লীলার—

চৌধুরী । (উচ্চ হাস্য) হোঃ—হোঃ—হোঃ ! জটে জটে ওরে হাস ছোঁড়া হাস, সেক্ হ্যাও । (ভাহুড়ী, রায় ও চৌধুরী মহাশয়ের আনন্দে উচ্চ হাস্য)

মিনি । হা লজ্জা ! হা অপমান ! একি ক'রুলে ঈশ্বর ! মা—মা —

(মিসেস্ পাক্‌ড়ানীর প্রবেশ)

পাক্ । কেন মা ? কেন মা ?

মিনি । সেই ছবি—সেই ছবি—

পাক্ । ধরা প'ড়েছে ? হাতে নাতে ধ'রেছ ?

মিনি । মাগো—(মাকে গলবেষ্টনে ধারণ ও হস্ত হইতে ছবি পতন)

চৌধুরী । (কুড়াইয়া লইয়া দেখিয়া) বাঃ বাঃ এ যে আর একথানা !
কাগজে আঁকা ! এ ছবি তোমার হাতে কোথেকে এল বোমা ?

পাক । যেথা থেকে আসুক । পোড়া কপালে এ জন্মে তো ক'নে জুটল
না—স্ত্রীর একতার বুঝবে কি ? মিনির সম্পূর্ণ অধিকার আছে, স্বামীর বাস্তব
খুলে লুকিয়ে যখন যা ইচ্ছে তাই নেবে ।

চৌধুরী । কে তা মানা ক'রছে ঠাকুরগণ ! বোমার ঘর—বোমার
সংসার—বোমার-ই সব ।

মিনি । চমি, তুমি এ ছবি কোথেকে পেলে ?

পাক । ওঃ ! উনি-ও এর ভেতর আছেন বুঝি ? কেমন না, মেয়ের মত
মেয়ে পেয়েছ ত' ?—ব'লেছিলুম ।

চমৎ । (সভয় করুণ কণ্ঠে) এই ছবি নিয়ে-ই এত গোল ! এমন
জানলে কি আমি নিতুম্—না মার হাতে দিতুম্ । সেই মুখ্যটা—

(ঘনেশ্বামের প্রবেশ)

ঘনে । এ—নিজ্জস্ আমি । যখনি ব'ল্ছ মুখ্যটা—

চৌধুরী । আরে বাদশা কখন এলি ?

ঘনে । Long ago ;—Come—go । সেই সকাল থেকে-ই—
প্রণাম হই দাদামশাই । (ভূগিষ্ঠ হইয়া প্রণাম পরে উঠিয়া) লীলা-মা'র
বাড়ী গেছলাম—

(মিসেস্ লাহিড়ীর প্রবেশ)

লীলা । হ্যাঁ ওনলুম্ ;—আমি বাড়ী ছিলুম না । মিনির সঙ্গে —

মিনি । কেন আর এ অভাগীর নাম মুখে আনছ লীলা ! তোমার এ
সৌভাগ্যের সময় —

লীলা । এখন-ও হয় নি মিনি, এখন-ও হয়নি—সৌভাগ্য ঐ ওখানে
দাঁড়িয়ে এক একবার উঁকি মারুছেন আর মেঘের আড়ালে যাচ্ছেন ।

মিনি । সোভাগ্যের বাকী কি মিসেস্ লাহিড়ী—না না মিসেস্—ছবি দেওয়া টেওরা—

লীলা । মিঃ রায়, তবে আপনি সব ব'লে দিয়েছেন ?

রায় । তবে দেখ্ছি যত গোল সেই ছবি নিয়ে—

ঘনে । গোল ! ছবি নিয়ে গোল ! মামা, চমৎকারের কোন দোব নেই, ও বেচারী কিছু জানে না । আমি চোর—ই্যা চোর—*one thief life : whole* জীবনে একটা চুরি ক'রেছি...ব'লে ফেলুম ।

রায় । এ ঘনাটা কি বলে ?

ভাঙ্কড়ী । চোর ! কি তুমি ব'লছ ?

চৌধুরী । বাদশা ! কোথায় কি চুরি ক'রেছ *brother* ?

ঘনে । ঠিক চুরি নয় ; *criminal misapprobation* -না ব'লে অপহরণ । সিঁড়ির নীচে পড়েছিল, আমি কুড়িয়ে না নিলে কেউ মাড়িয়ে যেত, না হয় বাতাসে উড়ে যেত । এতে জেলে দিতে হয় দিন । তা হ'লে চমৎকার, বুঝেছ থিয়েটার-ওলার দলে না নেয়, মিউনিসিপ্যালি কাউন্সিলে একটা চাকরী—

চৌধুরী । ই্যা বাদশা তুমি কি কার-ও ছবি সত্যি চুরি ক'রেছ নাকি ?

ঘনে । তাইতো ব'লুম *criminal mispurforation* ! একটা মাদী সন্ন্যাসীর এতটুকু ছবি, লীলা মা'র সিঁড়ির নীচে —

লীলা । *Oh dear* ! তাই খুঁজে পাচ্ছিলুম না । আইভরির ওপর আঁকবার আগে আমি একখানি কাগজে একটা স্কেচ্ ক'রেছিলুম সেইটাই কি রকম ক'রে বুঝি উড়ে টুড়ে গিয়ে নীচে প'ড়েছিল, আর তুমি —

ঘনে । টুকটুকে ছবি ব'লে মামীর মেয়েকে দিচ্লাম ; আমার আর দেবার কি আছে ! এই নিয়ে কিনা এঁরা এই বেচারীকে চোর-টোর বলে—*দ্বিদিয়া, you are* গুরুজন নইলে *fie fie* বলতাম্ ।

লীলা । কই দেখি মানা, ছবিখানি (চিত্র লইয়া) ই্যা মিনি, ছবিঃ
জন্তে রাগ ক'রেছ ? মিঃ রায় তুমি শকুন্তলার মত সাজলে কি রকম দেখাও
তাই অঁকতে ব'লেছিলেন ব'লে এঁকেছি—এতে দোষ কি ?

মিনি । মিঃ রায় আমার ছবি অঁকতে বলে'ছিলেন ।

চৌধুরী । নইলে কি না ঘনেশ্বরের ?

ঘনে । দাদামশাই very good ; আমার ছবি একেবারে কলিক
—ঘন-ঘন করতালি !

রায় । আমার জন্মদিনে দু'চার জন বন্ধু মিলে তোমার টেবিলে ব'সে
পাব আর তোমার একখানি ভাল ছবি তোমায় উপহার দেনা, মেটা কি
এত-ই আশ্চর্যের কথা ?

মিনি । (কাতর হতাশে) না, কি ক'লে ! কি ক'লে ! আমার কি
ক'লে ! কেন আমায় এত ছোট ক'রে দিলে ?

রায় । (বুকের পকেট হইতে আইভরির মিনিয়েচার বাহির করিয়া
মিনির হস্তে দিতে দিতে) আমার হা-বেকে পাচ্ছ ব'লে নিতে যদি বুনা
না হয়—

মিনি । (স্বামীর হস্ত হইতে চিত্রকলক লইয়া দেখিতে দেখিতে রায়ের
প্রতি) তুমি আমার এখন-ও কিছু ব'লছ না ?

রায় । ব'লব । তবে তা'র আগে মিসেস্ পাকডালীকে আমি সম্মানে
ব'লতে—

চৌধুরী । অনবিকার প্রবেশ পুষ্প, অনবিকার প্রবেশ । এ কমন্‌রিমেন্ট
ডিপার্টমেন্ট্ ; কুচ্ কাওয়াজ্ লড়াইয়ে রনদ বেটে বেটে এই নল্লীব চৌধুরী
বুড়ো হ'য়ে গেছে । বেয়ানের সঙ্গে যা বন্দোবস্ত ক'রতে হয় তা আমি-ই
ক'রছি । আহ্নন ব্যান্, একবার আমার সঙ্গে ।

পাক । তোমার সঙ্গে ! তুমি কে ?

মিনি । এই সংসারের মঙ্গল-ঘট না ! মঙ্গল-ঘট !

ভাদুড়ী । সারলোর চিত্রপট ।

ঘনে । ছুনিয়া—don't care not ।

মিনি । তবে জ্যাঠামশাই উনি আগার না, আর বেশী কিছু ব'লব না ।

চৌধুরী । সেই জন্তে-ই তো আর-ও নিকট সম্পর্ক করবার ইচ্ছে ছিল; তবে তোমার ঐ চমৎকার মেয়েটাকে কথা দিয়ে ফেলেছি—

চমৎ । এ্যা তা বই কি !

চৌধুরী । আসুন ব্যান্, আসুন ; ছেলে পুনেরা আপনা আপনি দুটো কথা কইবে আমি তুমি কেন এখানে, আসুন ।

(মিসেস্ পাক্‌ডাশী ও চৌধুরী মহাশয়ের প্রস্থান এবং মিনির হস্ত ধারণ করিয়া মিঃ রায়ের পশ্চাৎ দিকে গমন)

চমৎ । (ঘনেশ্বামের প্রতি) এই যে ধুতি-টুতি প'রেছেন ।

ঘনে । হার ম্যাজিষ্টির লুকুম । আমি প্রেজাতন্ত্র—Demonocrecy মানি বটে ; কিন্তু বুঝোছ একটা হার ম্যাজিষ্টি না থাকলে ঘরে ভুতের উপদ্রব হয় ।

চমৎ । ভুতের না চোরের ? তুমি সবার সামনে আপনাকে চোর ব'লে স্বীকার ক'রেছ, তোমার সঙ্গে—

ঘনে । ওরা কেন তোমায় চোর ব'লবে ?

চমৎ । তা'তে তোমার কি !—যাও—

(প্রস্থান)

ঘনে । (পশ্চাৎ বাইতে বাইতে) শোন শোন—

(প্রস্থান)

লীলা । (একাশ্বে) এক কথায় ব'লে দিলুম বুদ্ধি থাকে বুঝে নিতে পার ।

ভাদুড়ী । ঠা—তা—তা বটে, তোমার কোথা-ও কোন-ও বালাই নেই ।

লীলা । বা: আমার মামা !

ভাদুড়ী । মামা তো আর মাম্মা নয় ।

রায় । (মিনির সহিত সন্মুখে আসিতে আসিতে) বড় বিষ জেলাসী, বড় বিষ । মিনি, স্ত্রীলোকের মনে একবার সন্দেহ ঢুকলে—

মিনি । আর বলে ন', তোমার মুখপানে চাইতে আমার লজ্জা ক'রুছে ।

রায় । তাই ব'লে বুদ্ধি আমায় আর-ও খানিকটা সাজা দিতে চাও ?

ভাদুড়ী । গেল সব মিটে মিটে ?

লীলা । আপনি উপস্থিত থাকতে যশু নিংড়ে নিলে-ও একটু মিটে থেকে যায় ।

ভাদুড়ী । বলুন—বলুন ; যার জন্মে শুকালতী কবুবার লোক নেই তা'কে সবাই সব ব'লতে পারে ।

রায় । না জট, ঝড়ের পর আকাশ আর-ও পরিষ্কার হয় । এখন আমার হৃদয়ে—

লীলা । মিনি-চন্দ্র উদয়ে—

ভাদুড়ী । ব'লতে হ'চ্ছে প'ড়ে দায়ে—বিবাহিত জীবন সুখময়—
সুখময় !

লীলা । যদি মিষ্টি-মুখে বউ কথা কয়—-বউ কথা কয় !

ভাদুড়ী । তাই ব'লতে হয়, নারীর জয়—নারীর জয় !

লীলা । কেমন হার ?

ভাছড়ী । তার জিৎ তো সমানে সমানে ; অপরধীর হাতে
হাত-কড়ি লাগাতে হয় ।

লীলা । আর মিনির উচিত মিঃ রায়কে বলা—

গীত ।

মিনি । তোমার এ প্রিয়তমা
কি ব'লে চাহিবে ক্রমা,
সরমে মাটীতে মন মিশাইতে চায় ।

রায় । আমার যে মনোরমা,
নারীমাঝে নিরুপমা,
“ক্রমা” কথা তার মুখে শোভা নাহি পায় ॥

মিনি । নিজের নাসিকা বন্ধ,
চন্দনে ক'রেছি সন্দ,
ব'লেছি মনের দোষে মন্দ গন্ধ হয় ।

রায় । শুষ্ক কাঠে মিষ্ট বাস,
ঘরঘনে সুপ্রকাশ,
পাষাণে পেষণে, পরীক্ষা ক'রেছ তায় ॥

লালা । সে'তো সব বেশ কথা,
ছিনু লতা ভূমিগতা
আপনার দোষে শেষে ঘটানু কি দায় ।

ভাছড়ী । বেয়াড়া ছোঁড়ার এক বেড়ী দিয়ে পায় ॥

চমৎ । (প্রবেশ করিতে করিতে)

যোথা ছিল সাদা জুড়ী,
না ক'রে মা মুখ ঝুড়ী,—
হ'য়েছেন বাড়ী থেকে শাশুড়ী বিদায়;—
মাসে মাসে মাসোহারা করে না হাসায় ।

চৌধুরী । (প্রবেশ করিতে করিতে)

মিটাইয়া দেছে সেটা এ জ্যাঠামশায় ॥

ব্রজ । (প্রবেশ করিতে করিতে)

সেজিয়ে দে ম্যাজ্ কুর্চি
• হাজির আছে বাবুর্চি—
মর্জ্জি হ'লে আইসে বইসেন খানায় ।

ঐশ্বর । (প্রবেশ করিতে করিতে)

পলান্ন প্রস্তুত হলো জীব মু বসায় ।

বেহারী । হিসাব কোড়ি মিল গয়া,

ভয়া নকরী বজায় ॥

ঘনে । (প্রবেশ করিতে করিতে)

এই ঘনেশ বাঁদরে,
যদি কেউ আদরে,

চমৎ । বাঁধিয়ে বাঁধিয়ে সেধে সোহাগে খাওয়ায় ।

ঘনে । ওরে, তারে আর করে পায়,
আর করে পায়

ঝি । (প্রবেশ করিতে করিতে)

মিটেছে সকল ল্যাঠা, মিটেছে সকল ল্যাঠা,
বড় মিষ্টি এই জ্যাঠা, বড় মিষ্টি এই জ্যাঠা,
পূজো মেনে বেহানেরে তুষ্ঠু ক'রে “মায়” ।
শুদ্ধ ক'ল্লেন অমুখ দিয়ে সবার গায়ের ঘায়,
আহা, ঘেঁটু যায় খোস পালায়—
ঘেঁটু যায় খোস পালায় ॥

(ষবনিকা)

এই দৃশ্যলীলার উত্তরচিহ্নে গটছাপনা পুস্তকে মুদ্রিত প্রণবীমত না হইয়া এই ভাবে, বথা :—মিঃ রায়ের বাটীর নিম্নতলস্থ পুস্তকাগার (Library) ; তথা হইতে ভোজনাগার বা dining roomএর অভ্যন্তর দৃশ্যমান ।

